




UNIVERSITÄTS-
BIBLIOTHEK
PADERBORN


Universitätsbibliothek Paderborn

Flos Pietatis Matutinæ, Diurnæ, Vespertinæ

Monasterii Westphaliæ, [ca. 1735]

[urn:nbn:de:hbz:466:1-46598](https://nbn-resolving.org/urn:nbn:de:hbz:466:1-46598)





M. 2739.

90.

171

171

J. III 41

30

FLOS PIETATIS

Matutinæ, Diurnæ,

Col Vespertinæ. *S. J. Pad*

Aliorūmq̄ selectissimorum

Exercitiorum.

*Omni ætati hominūmq̄
conditioni utilissimus.*


Collectus à quodam è Socie-
tate JESU.

Superiorum Permissu.

ad usum Josephi Hübneri Belli Catholici 62

Monasterii Westphalix,

Apud JOANNEM NICOLAUM NAGEL



NO

U

J

st
no

I

ni

T
ni



P R A X I S

P I E S U R G E N D I .

Ubi statum surgendi tempus adest, sine morâ surge tanquam ab Angelo. Custode excitatus, & ad laudandum Deum evocatus, ac primam cogitationem non de alio, quàm de Deo concipe. Inclama.

J E S U S M A R I A J O S E P H

Muni te signo crucis, & dic. Per signum crucis de inimicis nostris libera nos Deus noster.

Deus Deus meus ad te de luce vigilo;
Sativit in te anima mea, quam multipliciter tibi caro mea.

Benedicta sit sancta, & individua Trinitas, nunc, & semper, & per infinita sæcula sæculorum, Amen.

Gloria Patri qui creavit nos: Gloria
Filio, qui redemit nos: Gloria Spiritui
sancto, qui sanctificavit nos.

Dum surgis, dic.

IN nomine Domini nostri Jesu Christi
crucifixi surgo, qui me redemit pretio-
so suo sanguine, ille me benedicat, re-
gat, custodiat, & ad vitam perducatur æ-
ternam, Amen.

Inter surgendum memor esto illius Apostoli:

Modestia vestra nota sit omnibus ho-
minibus, Dominus enim prope est.
Et Angeli Custodis. De quo D. Bern.
Tunc audes illo præsentem, quod vi-
dente me non audes?

Dum vestes induis.

Redde mihi, Pater æterne, & con-
serva in me vestem innocentie,
quam perdidisti in peccato Adæ, ne para-
diso cœlesti ejiciar, Amen.

Indue me Jesu Christe Rex gloriæ, fra-
grantibus virtutum tuarum vestimen-
tis, humilitatis & patientie, charitatis
&

&

& castimoniam; ut Patris cœlestis benedictionem obtineam, Amen.

ORna me, Sancte Spiritus, togâ polymitâ & variegatâ donorum tuorum; ut in oculis tuis gratiam inveniam, Amen.

Pater noster. Ave Maria. Credo.

Dum Caput pectis.

Repelle à me, Domine, spiritum superbiæ & immunditiæ, & orna caput meum coronâ gloriæ.

Dum lavas Faciem, & Manus.

Ple Pelicane Jesu Domine, me immundum munda tuo sanguine!

Dum Pileum imponis.

Dona me, Domine, pileo libertatis Christianæ, & à vitiorum servitute me eripe.

Indutus, pexus, lotus, aspergas te aqua lustrali, & ante arulam domesticam flectens, magno pietatis estu ita preceris.

O Deus meus, spes, desiderium, amor meus, ameris, glorificeris ab omnibus, in omnibus, super omnia in æter-

num; Quàm bonus fuisti hucusque erga me, quàm ingratus ego erga te! detestor, ex animo doleo de peccatis. En paratum cor meum ex hoc momento ad omnem nutum tuum; omnia faciam & patiar hodie & semper, sicut scis & vis ad majorem tuam gloriam. O Deus! non mihi, sed tibi, & nomini sancto tuo sit gloria. Amen.

I. Sis gratus.

ADoro, & veneror te, ô Sanctissima Trinitas! te glorifico, laudo, benedico, ac totum me ante thronum Majestatis tuæ humillimè prosterno. Tibi gratias ago pro universis beneficiis, ac nominatim pro hâc nocte feliciter transacta, quod cheu! hac nocte è cubili suo ad tuum tribunal & inferos rapti! Vivens, vivens ipse confitebitur tibi, sicut & ego hodie. *Isai 38.*

II. Cor. offer.

OPater æterne! ad te primum suspirium, & æstus cordis mei. Tibi me totum & omnes animæ vires, & corporis

ris

ris sensus, & omnia offero. Suscipe, mi Pater, hos novæ diei primos amores, eosque incendio charitatis Filii tui, meritisque conjunge: Quid enim mihi est in cælo? & à te quid volui super terram? Deus cordis mei, & pars mea Deus in æternum. *Psalms 72.*

III. Opus dispone futurum.

ECce mi amantissime Jesu! te aspiranter firmiter statuo, ardenti corde viam mandatorum tuorum currere, probè Christiani partes explere, consueta pietatis munia obire, virtutem castitatis potissimum sectari; universa denique & singula, in nomine tuo, & facere, & pati. Utinam dirigantur viæ meæ ad custodiendas justificationes tuas! *Psal. 118.*
Dic piam intentionem, quam habet pag. 63 seq.

IV. Vita Peccatum.

Veni, succurre sancte Spiritus & in omni discrimine peccati vacillantem præsens roboras, qui spondisti; Super aspidem & basiliscum ambulabis,

bulabis conculcabis leonem & draconem
Psalm 90.

V. Subsidiūmque pete.

ADeste mihi pariter, ô beatarum
 agmina mentium! Eja præ reliquis
 piissima Virgo Maria, cum castissimo
 sponso tuo S. Josepho succurre. Tuque
 mi Angele Custos, vosque ô vitæ meæ
 Patroni N.N. & Sancti omnes, præfer-
 tim hac ipsâ luce celebres, inopem juva-
 te, ducite cæcum & claudum. Tu verò
 præ omnibus aspira, Deus meus & o-
 mnia: Siquidem, in te Domine spera-
 vi, non confundar in æternum. *Psalm 30.*

Commendatio ad B. M. V.

O Domina mea sancta Maria! me in-
 tuam benedictam fidem, ac singu-
 larem custodiam, & in sinum misericor-
 diæ tuæ, hodie & quotidie, & in horâ
 exitûs mei, animam meam & corpus
 meam tibi commendo. Omnem spem
 meum, & consolationem meam, omnes
 angustias & misérias meas, vitam & fi-
 nem vitæ meæ tibi committo: Ut per
 tuam

tuam sanctissimam intercessionem, & per
tua merita, omnia mea dirigantur, & di-
sponantur opera, secundum tuam, tui-
que Filii voluntatem, Amen.

Ad S. Angelum Custodem.

A Ngele Dei, qui custos es mei, me
tibi commissum pietate supernâ,
hodie illumina, custodi, rege, & gu-
berna. Amen.

Ad omnes Angelos.

DEus, qui miro ordine Angelorum mi-
nisteria hominumque dispensas:
Concede propitius; ut à quibus tibi mi-
nistrantibus in cœlo semper assistitur, ab
his in terra vita nostra muniatur.

Ad Sanctos Patronos.

S ANCTI Patroni mei N.N me piis vestris
precibus & meritis servate à malis, ad-
juvate in bonis omnibus, Amen.

Ad omnes Sanctos.

P Rotege Domine populum tuum, &
Apostolorum tuorum Petri & Pauli,
& aliorum Apostolorum, omniumque
Sanctarum & Sanctorum tecum regnan-

A s.

dicere

tium in cœlo, patrociniò confidentem, perpetuâ defensione conserva.

Statue præsentem diem tanquam vitæ ultimum sic impendere, ut impensum voles totâ eternitate.

Semper esto memor rectæ intentionis, sine quâ nullius sunt meriti difficillima etiam & excellentissima opera. Intentio recta est, quæ cum operatur operis sui finem constituit Deum, seu, quæ omnia ad Dei gloriam & honorem ex amore DEI revocat. Hæc intentio tam necessaria est volenti piè vivere, atque necessarium est spiritum ducere, volenti datur aliter vivere; idque duplici de causa. Prima, arcende vanæ gloriæ: Altera, augendis meritis. Illam igitur singulis actionibus præsertim notabilioribus, paucis saltem verbis, præfige dicendo: propter te Deus meus & omnia, propter te quem in fide super omnia æstimo, in spe super omnia desidero, in charitate super omnia diligo & servio secundum voluntatem tuam, Im-

*Imprimis offer omnia in unione actio-
num Christi, B.V.M. & omnium San-
ctorum.*

P R A X I S

Formandi piam Intentionem.

OBLATIO.

Ad Sanctissimam Trinitatem.

O Sacrosancta Trinitas, Deus meus
Pater Fili, & Spiritus sancte, of-
fero tibi omnia mea, corpus &
animam, intellectum, memoriam &
voluntatem, omnes cogitationes, verba
& opera, etiam minima quæque; Ne-
cessariam corporis curam & refectio-
nem, somnum & vigiliam, tristia & læ-
ta, labores & dolores, omnes gressus &
motiones corporis. Omnes arteriarum
pulsus, omnes respirationes meæ erunt
signa laudis & gloriæ tuæ, & idem signi-
ficabunt, quod Sanctus, Sanctus, San-
ctus Dominus Deus Sabaoth. Benedictio
& claritas, & sapientia & gratiarum a-
ctio,

Etia, honor & virtus, & fortitudo Deo
nostro in sæcula sæculorum, Amen.

Offero etiam hodie in unione verbo-
rum, cogitationum & operum Christi,
B. V. Mariæ & omnium Sanctorum, o-
mnia verba, cogitationes & opera.

Die Dominica.

1. Ad honorem & gloriam Sanctissi-
mæ Trinitatis, ac præcipuè æterni Pa-
tris & in honorem omnium Sanctorum
& Beatorum in cælo triumphantium.

2. In gratiarum actionem pro omni-
bus beneficiis, imprimis pro beneficio
creationis & vocationis ad fidem Catho-
licam.

3. In satisfactionem pro omnibus
peccatis.

4. Pro impetrandâ vivâ & constan-
ti fide.

5. Pro exaltatione S. Matris Eccle-
siæ, Pro omnibus vivis & fidelibus de-
functis.

Die Luna.

1. Ad honorem & gloriam Filii Dei
&

&

& Sanctissimi Nominis Jesu, & in honorem omnium Sanctorum, imprimis S. Ignatii & Patroni N. cujus nomen in sacro ba ptismatis fonte accepi.

2. In gratiarum actionem pro omnibus beneficiis, imprimis pro beneficio prædestinationis & justificationis.

3. In satisfactionem pro omnibus peccatis.

4. Pro obrinendâ firmâ spe & fiducia.

5. Pro omnibus vivis & defunctis, imprimis pro animabus his N. N. quibus v. g. sum obstrictus, *vel* quæ suffragiis potissimum destituuntur, *vel* quæ B. Virgini fuerunt maximè devotæ &c.

Die Martis.

1. Ad gloriam Spiritus sancti, & in honorem omnium Sanctorum, imprimis S. Antonii de Padua, S. Catharinæ Studiosorum Patronæ, & omnium Ecclesiæ Doctorem & Confessorum, imprimis N. N.

2. In gratiarum actionem pro omni-

bus beneficiis, imprimis pro communicatione donorum Spiritûs sancti &c.

3. In satisfactionem pro omnibus peccatis.

4. Pro obtinendâ ardentissimâ charitate Dei & proximi.

5. Pro vivis & defunctis. • Pro Imperio Romano, Patria & Civitate.

Die Mercurii.

1. Ad gloriam Dei mei, & in honorem Sanctorum Angelorum, imprimis S. Angeli mei Tutelaris: Et in honorem omnium Sanctorum, imprimis Patronorum, S. Joannis, S. Aloyfii Gonzagæ.

2. In gratiarum actionem pro omnibus beneficiis, imprimis pro beneficio protectionis Angeli Tutelaris.

3. In Satisfactionem pro omnibus peccatis.

4. Pro impetrandâ castitate.

5. Pro Vivis & defunctis, imprimis pro Parentibus, cognatis, amicis, benefactoribus N. N.

Die

Die Fovis.

1. In honorem & gloriam Venerabilis & Sanctissimi Sacramenti Eucharistiæ, in honorem omnium Sanctorum, imprimis S. Josephi, S. Stanislai Kostkæ & S. Barbaræ.

2. In gratiarum actionem pro omnibus beneficiis, imprimis pro beneficio institutionis V. Sacramenti Eucharistiæ aliorumque, & quod mihi toties illa Sanctissima Sacramenta devotè obeundi gratia concedatur.

3. In satisfactionem pro omnibus peccatis.

4. Pro obtinendâ singulari devotione erga Venerabile Sacramentum Eucharistiæ.

5. Pro Vivis & Defunctis, imprimis pro Pontifice nostro N. pro Cardinalibus, Episcopis, Prælatibus, Ecclesiasticis, Clericis, Religiosis, &c.

Die Veneris.

1. Ad honorem & gloriam Jesu Christi crucifixi, & SS. 5. Vulnerum:

In

In honorem omnium Sanctorum, imprimis SS. Martyrum & Thaumaturgi Xaverii.

2. In gratiarum actionem pro omnibus beneficiis, imprimis pro beneficio redemptionis.

3. In satisfactionem pro omnibus peccatis.

4. Pro impetrandâ patientiâ & amore crucis.

5. Pro Vivis & Defunctis. Pro conversione Ethnicorum, Hæreticorum, Peccatorum, & pro inimicorum salute.

Die Sabbathi.

1. Ad honorem & gloriam Dei, & in honorem omnium Sanctorum, imprimis in honorem B. V. Mariæ sine macula conceptæ; & Ss. Virginum.

2. In gratiarum actionem pro beneficiis omnibus, imprimis pro beneficiis mihi per intercessionem B. V. Mariæ aliorumque Sanctorum Patronorum concessis.

3. In satisfactionem pro omnibus
pec-

peccatis vel à me vel etiam ab aliis commissis.

4. Pro impetrandâ extremâ perseverantiâ in omni bono, & pro impetrandâ felici morte.

5. Pro Vivis & fidelibus defunctis, imprimis pro omnibus Deiparæ cultoribus, pro afflictis & agonizantibus.

Intentio brevis

Ante, aut etiam post aliquod opus per diem.

Agam hoc propter te, mi Deus, vel ad intentionem matutinam; vel in unione actionum & meritorum JESU Christi, B. V. Mariæ & omnium Sanctorum; vel Mitte Domine sapientiam de cœlis sanctis tuis, & à sede magnitudinis tuæ, ut mecum laboreet, ut sciam, quid acceptum sit apud te. Sap. 9.

Pia Suspiria per diem.

Egenis occurrens, dic: Beatus vir, qui intelligit super egenum & pauperem; in die mala liberabit eum Dominus

Tens-

Templum pratergrediens : Sancte N.
 Sancta N. ora pro nobis. *Si in eo asser-*
vetur Eucharistia, caput detege, & dic.
 Adoramus te Christe, & benedicimus tibi
Si sit apertum, saluta Divinissimum Chri-
sti corpus, & spiritualiter communica, se
tempus ferat. Praxin Communionis spiri-
tualis vide pag. in Indice.

Ad effigiem Crucifixi : Qui passus es pro
 nobis, Miserere nobis. *Vel Ave Rex*
noster, Tu solus nostros es miseratus
errores: Tu es Christus Filii Dei vivi.

Ad imaginem Deiparæ : Mater Dei me-
 mento mei. *Vel Ave Maria, Mater*
mea.

Ad horæ pulsū : Nos cum Prole pia be-
 nedicat Virgo Maria. *Vel: Ave Maria.*

Horaria recollectio : *Inquire obiter in ho-*
ram lapsam, si quid ex virtute egeris.
dicito: Laus Deo, Deo gratias. De de-
lictō manu pectori admotâ, dole ac dicito:
 O cur te offendi Deus meus! amo te,
 amabo te, doleo. detestor, propono
 emendare, condona mihi hanc no-
 xam. *Cum*

Cum obviat inimicus: Amore tui, mi Jesu, frango iram, & nunc amplector. In tribulationibus: Hanc crucem accepto mi Jesu, ut te sequar.

Cum injuriam pateris: Patiar Domine amore tui, qui in me, toties tibi injuriam, tam bonus, tam benignus es.

In prandio & Cœna: Dulcissime JESU, quàm amaro felle cruciata est lingua tua! vel: Sive manducatis sive bibitis, omnia in gloriam Dei facite. 1. Cor. 10.

Dulcibus fruëris. Clama cum S. August. Si tanta nobis, Deus meus, præstas in carcere, quid facies in palatio?

Cum tentaris ad peccandum: Domine, tu scis, quia amo te; quomodo possum hoc malum facere! ô Jesu esto mihi Jesus! succurre Maria: Per sanctam Virginitatem tuam, & per immaculatam Conceptionem tuam, purissima Virgo Maria, emunda cor & carnem meam, Amen.

Cœlum suspicis, exclama: O Israel! quam magna est domus Dei, & ingens locus habitationis ejus.

Cum

Cum tentaris dejectione animi, suspiras:
 Confortare ô anima mea, in proximo
 est, ut adjuveris.

Ante recitationem precum: Deus cui o-
 mne cor patet, & omnis voluntas lo-
 quitur, & quem nullum latet secre-
 tum: Purifica per infusionem sancti
 Spiritûs cogitationes cordis nostri, ut
 te perfectè diligere, & dignè laudare
 mereamur. Per Christum Dominum
 nostrum, Amen.

Si per cœmiteria incedis, dicito: Hæc
 constituta est domus omni viventi. O-
 mnes eò tendimus. Etiam subter te
 sternetur tinea, & operimentum tuum
 erunt vermes. Fidelium animæ per
 misericordiam Dei requiescant in
 pace.

Ora. Et psalmum miserere, vel de profun-
dis, si tempus ferat, pro defunctis.

Si calumniis fama, honôrve laceratur:
 Sustine, preme altum corde dolorem
 aspice in auctorem fidei & consum-
 matozem Jesum, opprobriis satura-
 rum. Ingre-

Ingrederis iter: In viam pacis & prosperitatis dirigat nos omnipotens & misericors Dominus; Et Angelus Raphaël comitetur nobiscum in via, ut cum pace, salute, & gaudio revertamur ad propria. Kyrie eleis, Christe el, Kyrie el.

Pater noster &c.

ψ. Procedamus in pace. In nomine Domini, Amen.

Ora psalmum Miserere, vel de profundis, pro defunctis.

P R A X I S

Orandi ante & post Studia.

Cum profectus in literis plurimum à pietate & devotâ oratione pendeat, gratiam fructuosè discendi crebrò à Deo postula. Si templum ante & post scholas transeundum sit, in illo aliàs in schola vel silentio studia tua Deo offer per manus B. Virginis & S. Angeli Custodis, gratiàmque proficiendi.

Gra-

*Oratio D. Thomæ Aquinatis, ante
studia.*

Creator ineffabilis, Domine Deus,
 Hac Deus meus, qui de thesauris sa-
 pientiæ tuæ novem Angelorum choros
 condidisti, & eos super cœlum empy-
 reum miro ordine collocasti, atque ele-
 gantissimè partes universi distribuisti; tu
 inquam qui verus fons luminis & sapien-
 tiæ diceris, atque supereminens princi-
 pium, infundere digneris super intel-
 lectûs mei tenebras tuæ radium clarita-
 tis, duplices à me removens tenebras,
 peccatum scilicet & ignorantiam, in qua
 natus sum. Tu qui linguas infantium fa-
 cis esse disertas, linguam meam erudias,
 atque in labiis meis gratiam tuæ bene-
 dictionis infundas, da mihi intelligen-
 di acumen, retinendi capacitatem, in-
 terpretandi subtilitatem, addiscendi fa-
 cilitatem & loquendi gratiam copiosam.
 Ingressum instruas, progressum dirigas,
 egressum compleas. Per Christum Do-
 minum nostrum, Amen.

ORA-

Oratio alia.

Verbum Patris æternum & sapientiæ
 fons effulissime, Domine Jesu Chri-
 ste, dicilitatem mentibus nostris & intel-
 ligentiæ lumen infunde: ut feliciter no-
 bis cedant hæc litterarum studia; quibus
 adjuti ad clariorem tui agnitionem, æ-
 ternæque veritatis, & perfectum amo-
 rem bonitatis tuæ pervenire possimus.
 Qui vivis & regnas Deus in sæcula sæcu-
 lorum, Amen.

Ante studia dum librum aperis, die.

Veni sancte Spiritus, & emitte cœli-
 tus, lucis tuæ radium.

Tot tibi sint laudes, Jesu, quot gram-
 mata scribo, *vel* lego.

Tot quoque sint laudes, Virgo Maria,
 tibi.

Post studia dum librum claudis.

Tot tibi sint laudes Jesu, quot gram-
 mata scripsi, *vel* legi.

Tot quoque &c.

Oratio post studia.

Infunde, quæsumus Domine, cordibus
 no-

nostris lumen sapientiæ tuæ, ut te veraciter cognoscamus, & fideliter diligamus. Qui vivis & regnas Deus in sæcula sæculorum, Amen.

P R A X I S

Orandi ad trinum pulsum.

1. Angelus Domini nunciavit Mariæ, & concepit de Spiritu sancto, Ave Maria.
2. Ecce ancilla Domini, fiat mihi secundum verbum tuum, Ave Maria.
3. Et Verbum caro factum est, & habitavit in nobis. Ave Maria.

Fidelium animæ per misericordiam Dei requiescant in pace.

Omnipotens faustam donet mortalibus horam.

Pete benedictionem.

Nos cum Prole piâ, benedicat Virgo Maria.

Vel dic cum D. Joanne. Mater amabilis, ex hac hora te accipio in Matrem

Quem illa filium respuat in hora mortis, toties electa in Matrem?

DE

DE SACRIFICIO
MISSÆ.

Sacrum est totius vite ac mortis Christi
Domini vera & viva representatio, &
iterata oblatio.

Primarius sacrificans est ipse Christus,
cujus Vicarius est Sacerdos, qui Christi
personam gerit: Unde illius

1. Tonsura significat coronam spi-
neam.

2. Humerale, velamen oculorum
Christi.

3. Alba, illusoriam vestem Herodis.

4. Cingulum, Manipulus, Stola, fu-
nes & vincula Christi.

5. Casula, Vestem purpuream, Crux
& casula, crucem Christi.

6. Calix, dolores in cruce, & sangui-
nis effusionem.

7. Corporale, syndonem, quã à mor-
te, Christi corpus involutum fuit.

8. Altare, montem Calvarie.

Sacri tres sunt partes, 1. Refert vi-

B

tam

tam Christi gratiosam, ab initio usque ad oblationem. II. Vitam Christi pœnosam seu passionem, ab oblatione usque ad communionem. III. Gloriosam, à communionem ad finem.

Ad Sacrum tendens, cum modestia Angelica incede, cogitans te pergere ad tremendum Missæ Sacrificium.

PRAXIS I.

Audiendi Sacrum.

Intentionem pro Sacro audiendo præmitte, juxta praxin intentionis matutine singulis hebdomadis diebus accommodata. Vel illam quam habes pag. 28. & seq. Tres sunt præcipue partes Sacri, ad quas attendendum: scilicet oblatio, consecratio, sumptio.

Considera mysteria vite & passionis Christi Domini in Missa representata.

1. Sub descensu Sacerdotis ex altari, considera Christum incarnatum.

2. Sub Introitu & Kyrie, desideratum

2. Sub

3. *Sub Gloria, Christum natum.*
4. *Sub Collectis, agentem vitam privatam.*
5. *Sub Evangelio concionantem.*
6. *Sub Offertorio, anhelantem ad ultimam coenam, & crucem.*
7. *Sub Praefatione, ingredientem Hierosolymam.*
8. *Sub Canone passum.*
9. *Sub Elevatione, crucifixum.*
10. *Sub fractione hostiae mortuum.*
11. *Sub Communione, sepultum.*
12. *Ad Dominus vobiscum, resurgentem.*
13. *Sub Benedictione, ad caelos ascendentem.*
14. *Sub Evangelio S. Joannis, venturum iudicem.*

Hac mysteria considerans, simul elice actus fidei, spei, charitatis, contritionis, compassionis, gaudii, gratitudinis, adorationis, glorificationis. V.g. Ad Kyrie, novies cum Sacerdote petendo, ut tui Deus misereatur. Ad Gloria, cum Sacerdote, prosequendo, laudamus te, benedicimus te,

adoramuste &c. Ad Evangelium & credo, ad singulos articulos ex corde dicendo, credo, credo.

P R A X I S II,

Et facilior audiendi sacrum.

1. *Templum ingressus, & aqua lustrali aspersus, genua flectens mox adora Christum in Venerabili Sacramento, dicens,*

Adoro te devotè latens Deitas, quæ sub his figuris verè latitas; Tibi se cor meum totum subjicit, quia te contemplan totum deficit, Ave Jesu &c.

2. *Recita tardè & piè preces quotidianas, & sequentes ad præcipuas missæ partes,*

I N T E N T I O.

SUscipe S. Trinitas, unus Deus, hoc sacrosanctum Sacrificium Corporis & Sanguinis Domini nostri Jesu Christi, quod ego indignus peccator unà cum Sacrificiis omnibus, tibi unquam oblaris aut offerendis, unitum sanctissimo Sacrificio, ab eodem Domino nostro
in

in ultimâ cœnâ & arâ crucis oblato,
 offero Divinæ Majestati tuæ, per ma-
 nus Sacerdotis omni possibili pietatis
 affectu, ex puro amore tuæ infinitæ bo-
 nitatis, secundum sanctissimam Dominî
 nostri, & S. Matris Ecclesiæ intentio-
 nem. 1. Ad maximam æternamque
 divinæ Majestatis tuæ gloriam, venera-
 tionem, amorem & beneplacitum. 2. In
 perpetuam commemorationem passio-
 nis ac mortis dilectissimi Filii tui. 3. In
 honorem augmentumque gloriæ B. V.
 Mariæ, totiusque curiæ triumphantis.
 4. In gratiarum actionem pro omnibus
 beneficiis sanctissimæ Incarnationi D. N.
 J. C. B. Virgini Matri ejus, omnibus
 Sanctis, & mihi indignissimo huc usque
 collatis & conferendis in æternum. 5. In
 satisfactionem peccatorum meorum,
 omniumque fidelium vivorum & defun-
 ctorum. 6. Ad impetrandam gratiam
 tuam & opem in re ista NN. 7. Pro pa-
 rentibus, amicis & benefactoribus meis,
 maximè istis NN. Pro fidelibus defun-

B 3

ctis,

Etis, potissimum istis N.N. Pro omnibus, pro quibus orare teneor. Suscipe & perfice hoc desiderium meum, o sanctissima Trinitas, uberemque ad pie id complendum gratiam & benedictionem largire, Amen.

Ad Offertorium.

O Pater æterne, qui sanctissimum. n hoc novæ legis Sacrificium, quo unigenitus Filius tuus tibi offerretur, institui voluisti; hunc & ego divinæ Majestati tuæ, meque ipsum totum in ejusdem unione offero. Respice in faciem Christi tui, & miserere mei.

Ad oblationem Hostiæ.

SUScipe sancte Pater, omnipotens æternæ Deus, hanc immaculatam hostiam, quam ego indignus famulus tuus (unà cum Sacerdote ad aram faciente) offero tibi Deo meo, vivo & vero pro innumerabilibus peccatis & offensionibus & negligentis meis, & pro omnibus circumstantibus, sed & pro omnibus fidelibus Christianis vivis atque defun-

functis, ut mihi & illis proficiat ad salutem in vitam æternam, Amen.

Ad oblationem Calicis.

Offerimus tibi Domine Calicem salutaris; tuam deprecantes clementiam, ut in conspectu divinæ Majestatis tuæ pro nostrâ & totius mundi salute cum odore suavitatis ascendat.

Ad Sanctus.

O Amantissime Jesu! in vulnus sacratissimi num dexteræ manûs tuæ commendo tibi Pontificem, Cardinales, Archi-Episcopos, Episcopos, Pastores, Sacerdotes, omnesque Clericos ac Religiosos, præsertim N. N. 2. In vulnus sinistrae manûs tuæ commendo tibi Imperatorem nostrum; Reges ac Principes Christianos. 3. In vulnus dexteri pedis tui commendo tibi Parentes meos, Fratres, Sorores, Cognatos, Amicos, Benefactores & NN. 4. In vulnus sinistri pedis commendo tibi omnes Infideles, Hæreticos & peccatores, præsertim agonizantes. 5. In vulnus sacratissimi late-

ris tui commendo tibi, ô Jesu, corpus
& animam meam vivens & moriens. Ac
per sanctissima vulnera tua te rogo atque
obtestor, ut mihi prædictis que omnibus
gratiam copiosam, charitatem perfe-
ctam, de hostibus visibilibus & invisibi-
libus victoriam & felicitatem æternam
largiri digneris, Amen.

*Ad elevationem sacra Hostia, ter pectus
tunde, & dic.*

Credo in te, ô suprema Veritas!
Spero in te, ô æterna Felicitas!
Amo te, ô infinita Bonitas!

A Ve verum Corpus, natum de Ma-
ria Virgine, verè passum, immo-
latum in cruce pro homine; esto nobis
prægustatum in mortis examine. O Je-
su! ô pie Fili Mariæ miserere nobis.

Ad elevationem Calicis sacri.

O Jesu amantissime! per pretiosissi-
mum sanguinem tuum, miserere mei.
Per sacrosancta Vulnera tua, miserere
mei.

mei. Per dolorosissimam mortem tuam,
miserere mei.

Salve nobilis & pretiose Sanguis de
Vulneribus Domini mei Jesu Christi
profluens, & peccata totius mundi ab-
luens. Ablue, sanctifica, & custodi ani-
mam meam in vitam æternam.

Pro eligendo vite statu.

Domine quid me vis facere. *Acto 9.*
Vias tuas demonstra mihi, & semi-
tas tuas edoce me. *Psalms 24.* Paratum
eor meum Deus, paratum cor meum,
tantum voca me, & te sequar quocun-
que vocaveris. O Domine Jesu Christe,
amor animæ meæ, per quinque vulne-
ra tua in cruce pro nobis accepta obse-
cro per opem. Da nobis Domine, da no-
bis sanctissimæ voluntatis tuæ perfectis-
simè semper agnoscendæ & adimplendæ
gratiam *S. F. Xaverius.*

Oratio pro defunctis.

Memento Domine famulorum, fa-
B s mu-

mularumque tuarum NN. in tui nominis confessione defunctorum, qui nos præcesserunt cum signo fidei, & dormiunt in somno pacis; ipsis Domine, & omnibus in Christo quiescentibus locum refrigerii, lucis & pacis, ut indulgeas, deprecamur. Per eundem Christum Dominum nostrum, Amen.

P R A X I S

Communionis spiritualis.

Ad Agnūs Dei, dole de admissis. ut sis in statu gratia.

MI Deus doleo de peccatis meis, quia te summum bonum offendi. Propono emendationem, & statuo nullo unquam peccato, imprimis gravi, te deliberatè offendere. Deus propitius esto mihi peccatori. Agnus Dei, qui tollis peccata mundi, miserere nobis. *Id repetet tertiò.*

Dum Sacerdos tacitè orat. excita fervens desiderium S. Communionis, & dicit.

Quemadmodum desiderat cervus ad fontes

fontes aquarum, ita desiderat anima
mea ad te Deus. Sitivit anima mea ad
Deum fontem vivum. Te solum peto
mi Jesu, & nihil extra te, & omnia
in te.

*Ad Domine non sum dignus. Humilia
te, & indignitatem tuam agnoscens,
dic.*

Quis es tu, mi Jesu, & quis ego,
qui te frui desidero. Tu es omnia
ego nihil, tu Deus, ego homo, tu O-
ptimus, Maximus, ego inter justos mi-
nimus, & maximus inter peccatores.
Domine non sum dignus, ut intres sub
tectum meum, sed tantum dic verbo. *Id
repete tertio.*

*Quando Sacerdos sumit S: Hostiam, &
tu desiderium sumendi, teque Christo
Domino uniendi renova, corde fer-
venti suspirans.*

Credo in te ô suprema Veritas,
Spero in te ô æterna Felicitas,
Amo te ô infinita Bonitas.

Veni Domine, & noli tardare.

A Nima Christi sanctifica me: Corpus Christi salva me: Sanguis Christi inebria me. Aqua lateris Christi lava me: Passio Christi conforta me: O bone Jesu exaudi me: Intra tua vulnera absconde me. Ne permittas me separari à te: Ab hoste maligno defende me. In hora mortis meæ voca me; Et jube me venire ad te: Ut cum Sanctis tuis laudem te, in sæcula sæculorum. Amen, *Denique age gratias.*

Ad ite Missa est.

PLaceat tibi sancta Trinitas obsequium servitutis meæ, & præsta, ut sacrificium, quod oculis tuæ Majestatis indignus ego (unà cum Sacerdote) obtuli, tibi sit acceptabile, mihi que & omnibus pro quibus illud obruli sit te miserante propitiabile. Per Christum Dominum nostrum, Amen.

A Sacerdote benedictionem, velut à Christo in cælum ascendente accipe.

PRA.

P R A X I S

Orandi Rosarium.

*A*D crucem dicitur credo, ad majora grana Pater noster, ad minora Ave Maria. Ad tria minora grana ante decades, post Iesus adde:

Qui adaugeat nobis fidem.

Qui corroboret nobis spem.

Qui perficiat in nobis charitatem.

Ab Adventu usq; ad Quadragesimam post Iesus, adde in salutatione angelica

In 1. Decade; Quem Virgo concepisti.

In 2. Quem visitando Elisabeth portasti.

In 3. Quem virgo genuisti,

In 4. Quem in templo presentasti,

In 5. Quem in templo invenisti.

Ad bina & bina grana sexta decadis repete unum ex 5. precedentibus mysteriis.

In Rosario Doloroso.

Ad tria minora grana hac insere:

In 1. Qui intellectum nostrum illuminet.

In 2. Qui voluntatem nostram perficiat.

In 3. Qui memoriam nostram reboret.

Ad singulas decades intersere & non nihil expende sequentia.

In 1. Qui pro nobis sanguinem sudavit.

In 2. Qui pro nobis flagellatus est.

In 3. Qui pro nobis spinis coronatus est.

In 4. Qui pro nobis crucem bajulavit.

In 5; Qui pro nobis crucifixus est.

*In sexta decade fit repetitio,
ut supra:*

In Rosario Glorioso.

Ad tria minora grana, infere:

In 1. Qui cogitationes dirigat.

In 2. Qui verba moderetur.

In 3. Qui gubernet opera.

Ad singulas decades intersere & expende sequentia mysteria.

In 1. Qui surrexit à mortuis.

In ..

- In 2. Qui in cœlum ascendit.
 In 3. Qui spiritum sanctum misit.
 In 4. Qui te assumpsit.
 In 5. Qui te in cœlis coronavit.



OFFICIUM

De Conceptione Immaculata

B. MARIÆ V.

Correctum ad Exemplar

Romanum.

AD MATUTINUM

Eja labia mea nunc annunciate Lau-
 des & præconia Virginis Immacu-
 lata:

- ψ. Domina in adjutorium meum in-
 tende,
 R. Me de manu hostium potenter de-
 fende. Gloria Patri &c.

Hy-

Hymnus.

Salve mundi Domina,
 Cœlorum Regina:
 Salve Virgo Virginum,
 Stella matutina.

Salve plena gratiæ,
 Clara lux divina
 Mundi in auxilium
 Domina festina.

Ab æternò Dominus
 Te præordinavit
 Matrem unigeniti
 Verbi, quo creavit

Terram, pontum, æthera;
 Te pulchram ornavit
 Sibi sponsam, quæ in
 Adam non peccavit.

✠. Elegit eam Deus, & præelegit eam.

✠. In tabernaculo suo habitare fecit
 eam.

✠. Domina protege orationem meam.

✠. Et clamor meus ad te veniat.

Oremus.

Sancta Maria, Regina cœlorum
 Ma-

Mater Domini nostri JESU Christi,
 & mundi Domina, quæ nullum re-
 linquis, & nullum despicias, respice me
 Domina clementer oculo tuæ pietatis, &
 impetra mihi apud tuum dilectum Filium
 cunctorum veniam peccatorum: Ut qui
 nunc tuam sanctam & immaculatam
 Conceptionem devoto affectu recolo, æ-
 ternæ in futurum beatitudinis bravi-
 um capiam, ipso, quem Virgo peperisti, do-
 nante Domino nostro Jesu Christo, qui
 cum Patre & sancto Spiritu vivit & reg-
 nat in Trinitate perfecta Deus in sæcu-
 la sæculorum, Amen.

ŷ. Domina protege orat. &c.

ŷ. Benedicamus Domino.

℞. Deo gratias.

ŷ. Et fidelium animæ per miser. &c.

A D P R I M A M.

ŷ. Domina in adjutorium meum intende.

℞. Me de manu hostium potenter defende.

Hymnus.

Salve Virgo sapiens,
 Domus Deo dicata,

Co-

Columna septemplici,
Mensaque exornata.

Ab omni contagio
Mundi præservata,
Ante sancta in utero
Parentis, quam nata.
Tu Mater viventium,
Et porta es Sanctorum,
Nova Stella Jacob,
Domina Angelorum,
Zabulo terribilis,
Acies castrorum,
Portus & refugium
Sis Christianorum.

ψ. Ipse creavit illam in spiritu Sancto.

℞. Et exaltavit illam inter omnia opera
sua.

ψ. Domina protege orationem meam.

℞. Et clamor meus ad te veniat.

Cum oratione pag. 46. & 47.

A D T E R T I A M.

ψ. Domina in adiutorium meum intende

℞. Me de manu hostium potenter de-
fende. Gloria Patri. &c.

Hy-

Hymnus.

Salve Arca fœderis,
 Thronus Salomonis,
 Arcus pulcher ætheris,
 Rubus visionis:

Virga frondens germinis,
 Vellus Gedeonis,
 Porta clausa Numinis,
 Favusque Samsonis.

Decebat tam nobilem
 Natum præcavere,
 Ab originali
 Labe matris Evæ;

Almam, quam elegerat,
 Genitricem verè,
 Nulli prorsus sinens
 Culpæ subjacere.

ψ. Ego in altissimis habito.

℞. Et thronus meus in columna nubis.

ψ. Domina protege orationem meam.

℞. Et clamor meus ad te veniat.

Cum oratione pag. 46. & 47

AD SEXTAM.

ψ. Domina in adiutorium meum intende.

℞. Me



ꝛ. Me de manu hostium potenter defende. Gloria Patri &c.

Hymnus.

Salve Virgo puerpera,
Templum Trinitatis,
Angelorum gaudium,
Cella puritatis;

Solamen incontinentium,
Hortus voluptatis,
Palma patientiæ,
Cedrus castitatis.

Terra es benedicta,
Et sacerdotalis.

Sancta, & immunis,
Culpe originalis.

~~Civitas Altissimi.~~

Porta Orientalis,

In te est omnis gratia,

Virgo Singularis

Ꝛ. Sicut liliū inter spinas.

ꝛ. Sic amica mea inter filias Adæ.

Ꝛ. Domina protege orationem meam.

ꝛ. Ec clamor meus ad de veniat.

Dum oratione pag. 46. & 49.

ad

AD NONAM.

ψ. Domina in adiutorium &c.

Hymnus.

Salve urbs refugii,
Turrisque munita
David propugnaculis
armisque insignita.

In Conceptione
Charitate ignita,
Draconis potestas,
Est à te contrita.

O Mulier fortis,
Et invicta Judith.
Pulchra Abisai Virgo,
Verum fovens David,

Rachel curatorem
Ægypti gestavit;
Salvatorem mundi,
Maria portavit.

ψ. Tota pulchra es amica mea,

℞. Et macula originalis nunquam fuit
in te.

ψ. Domina protege &c. ℞. Et clamor &c.

Cum oratione pag. 46. & 47.

Ad

AD VESPERAS.

ψ. Domina in adiutorium &c.

Hymnus.

Salve horologium,
 Quo retro gradiatur
 Sol in decem lineis,
 Verbum incarnatur,
 Homo ut ab inferis
 Ad summa attollatur,
 Immensus ab angelis
 Paulò minoratur.

Solis hujus radiis
 Maria coruscat,
 Confurgens aurora
 In conceptu micat:

Lilium inter spinas,
 Quæ serpentis conterat
 Caput, pulchra ut Luna
 Errantes collustrat.

ψ. Ego feci in cælis ut oriretur lumen in-
 deficiens.

ψ. Et quasi nebula texi omnem terram.

ψ. Domine protege &c. ψ. Et clamor &c.

Cum oratione pag. 46. & 47.

AD

AD COMPLETORIUM.

ψ. Convertat nos, Domina, tuis precibus placatus, Jesus Christus Filius tuus.

℞. Et avertat iram suam à nobis.

ψ. Domina in adjutorium &c.

Hymnus.

Salve Virgo florens,
Mater illibata,
Regina clementiæ,
Stellis coronata:

Supra omnes Angelos
Pura, immaculata,
Atque ad Regis dexteram
Stans veste deauratâ.

Per te Mater gratiæ,
Dulcis spes reorum,
Fulgens stella maris,
Portus naufragorum:

Patens cœli janua,
Salus infirmorum.
Videamus Regem
in aula Sanctorum. Amen.

ψ. Oleum effusum, Maria, nomen tuum.

Ser -

℣. Servi tui dilexerunt te nimis.

℣. Domina protege &c. ℞. Et clamor &c.

℣. Benedicat custodiat nos omnipotens & misericors Dominus Pater & Filius & Spiritus sanctus.

℞. Amen. *Cum oratione pag. 46. & 47.*

Commendatio.

Supplices offerimus
 Tibi Virgo pia,
 Hæc laudum præconia
 Fac nos ut in via
 Ducas cursu prospero,
 Et in agonia
 Tu nobis assiste.

O dulcis maria. Amen.

Deo gratias.

Ant. Hæc est virgo, in qua nec nodus Originalis, nec cortex actualis culpæ fuit.

℣. In Conceptione tua, Virgo immaculata fuisti.

℞. Ora pro nobis Patrem, cujus Filium peperisti

Oratio.

Oratio.

DEUS, qui per Immaculatam Virginis Conceptionem dignum Filio tuo habitaculum præparâsti: Quæsumus, ut sicut ex morte ejusdem Filii tui prævisâ, eam ab omni labe præservâsti, ita nos quoque mundos ejus intercessionem ad te pervenire concedas. Per Dominum nostrum &c.

ψ. Immaculata B. Mariæ Virginis Conceptio.

℣. Sit nobis præsidium & protectio.

Litaniae Lauretanas Beata Virginis vide pag. 65.

Oratio.

Quâ B. Virgo in Patronam eligitur.

SANCTA Maria, Mater Dei & Virgo, Ego N. licet indignissimus, qui serviam tibi, attamen de materni cordis tui clementia, confisus, eligo te hodie coram Angelo meo Custode & tota cœlesti curia in meam Matrem & peculiarem Domi-
C
nam.

nam, Patronam & Advocatam, firmiterque propono, me deinceps tibi, & Filio tuo servire velle fideliter, & adherere perenniter. Obsecro te, Mater saleratissima, suscipe me in curam & tutelam tuam, & adsis mihi in omnibus periculis & angustiis hodie & totâ vitâ meâ, sed præcipuè assistas mihi in hora mortis meæ, Amen.

Alia oratio ad B. Virginem.

Memorare, ô piissima Virgo Maria, non esse auditum à sæculo, quemquam ad tua currentem præsidia, & tua implorantem auxilia, aut tua petentem suffragia à te derelictum. Ego tali animatus fiducia ad te, Virgo Virginum, Maria, Mater Jesu Christi, confugio, ad te curro, coram te gemens peccator & tremens assisto: Noli ô Domina mundi, noli æterni Verbi Mater, verba mea despiciere, sed audi propitia, & exaudi me miserum ad te in hac lachrymarum valle clamantem. Adsis mihi, obsecro, in omnibus necessitatibus meis, nunc & sem-

semper, maximè in hora mortis meæ.
 O clemens, ô pia, ô dulcis Virgo Maria.

Ad S. Michaëlem Archangelum.

O Cœlestis militiæ Princeps, S. Mi-
 chaël, qui superbum Luciferum cum
 omnibus suis asseclis in gehennæ bara-
 thrum deturbâsti. O Ecclesiæ defensor ac
 protector, ô animarum ex hac vita mi-
 grantium præses, succurre animæ meæ
 in agone constitutæ, quam tibi nunc
 enixè commendo. Tu eam contra om-
 nes hostiles incursus protege. Tu de-
 functæ patrociniûm suscipe, & contra
 omnes dæmonum insidias defensam, ad
 Paradisi gaudia admitte, ubi cum omni-
 bus Angelis Deum æternis laudibus de-
 prædicet, Amen.

Ad S. Angelum Custodem.

O Fidelissime comes, à Deo tutelæ
 meæ assignate, protector & defen-
 sor meus nunquam recedens à latere
 meo. Quastibi gratias referam pro fi-
 de, amore, innumerisque in me colla-
 tis beneficiis? Tu dormienti advigilas,

mœstum solaris, dejectum erigis, im-
minentia pericula avertis, futura doces
cavere, à peccatis adstrahis, ad bonum
impellis: Lapsum ad pœnitentiam hor-
taris, Deoque concilias; Jam dudum
fortassis in infernum detrusus fuisset,
nisi tuis precibus divinam à me iram a-
vertisses, Ne, precor, me unquam de-
feras. Ne in peccata incidam advigila, &
ad virtutes impelle, in adversis solare,
in prosperis contine, in periculis tuere,
in tentationibus adjuva, ne iis unquam
succumbam. Preces & gemitus meos,
omniâque pia opera divino conspectui
offer, atque effice, ut in gratia ex hac per-
veniam ad vitam æternam, Amen.

Oratio ad SS. Patronos.

*Oratio, quâ S. Joseph, vel alius Sanctus;
paucis mutatis, in Patronum
eligitur.*

O Sancte Joseph, Redemptoris mei
Christi Jesu fidelis Oeconome ac Nu-
tri-

tri-

tritie, castissimæ Virginis Deiparæ Spon-
 se: Ego N. te hodie in Patronum & Ad-
 vocatum meum singularem eligo, firmi-
 terque propono, me nunquam te dere-
 licturum, nec permissurum, ut à quo-
 quam ex meis subditis aliquid contra
 tuum honorem agatur. A te id igitur
 peto suppliciter, ut me in clientem per-
 petuum suscipere, in rebus dubiis in-
 struere, in adversis solari, in hora mor-
 tis meæ cum Jesu & Mariâ succurrere,
 defendere ac protegere digneris, Amen.

*Ad S. Patronum, cujus quis nomen
 habet, V. G. S. Joannem.*

O Sancte N. qui in sacro baptismatis
 fonte mihi in Patronum datus es: In
 te singularem auxilii spem colloco, de-
 precorque, ut pedes meos dirigas in
 viam virtutis, pacis, prosperitatis, &
 salutis æternæ. Ut à virtutum tramite
 ad vitæ tuæ exemplar non discedam: mei
 quoque in periculis tam animæ, quam
 corporis curam & custodiam suscipe, in
 cœlis pro me ora, in terris me doce, re-

ge & gubernata, in extremo mortis articulo succurre, & cum Jesu Deo meo, mariâ matre ejus, novem Angelorum choris, omnibusque Sanctis, viâ vitæ æternæ comes occurre; Ut cum iis & tecum partem æternæ gloriæ habere merear in cœlis. Per Christum Dominum nostrum, Amen.

Ad S. Franciscum, vel Ignatium, vel Antonium, vel alium Sanctum Patronum aut Patronam paucis mutatis.

Salve, ô electe mi apud divinam majestatem Advocate, Sancte N. Salve, & bonitate consuetâ respice me humillimè te venerantem, & auxilium tuum implorantem, Adsis mihi ô Sancte N. ut quidquid rerum agam, ad majorem Dei gloriam id ipsum dirigatur. Protege me contra tentationes inimici, nec permittes, ut tentationibus succumbens malignâ delectatione aut consensu peccem. Sed impetra, ut tentationibus superatis in virtutibus proficiam, potissimum verò obse-

obsecro, ut adveniente tandem mortis
hora auxilio mihi sis, ne obdormiat in
morte anima mea, propterea hoc maxi-
mè exopto, ut ultimus cibus meus sit
Sanctissimum Eucharistiæ Sacramentum:
Ultimæ cogitationes meæ de amara Do-
mini Jesu Passione & vulneribus, & ul-
tima verba mea: Jesus Maria, Joseph.

*Ad S. Patronum studiosorum v. g. S. Au-
gustinum, Thomam Aquinatem, vel
alium similem.*

O Vir ineffabilis, ô virtutum vas ad-
mirabile, ô diadema honoris & glo-
riæ, ô lampas præfulgida doctrinæ ra-
diis Ecclesiam universam collustrans,
Sancte N. quæso tui servuli quanquam
vilissimi recorderis, ut tuis intercessio-
nibus emunder, tuæque gubernatione
recto tramite in studiis meis procedam,
tuis defensionibus ab inimicis mihi sem-
per insidiantibus protegar, tuoque san-
cto ductu salutis attingam portum. Per
Christum Dominum nostrum.

*Ad S. Catharinam Patronam studioso-
rum, vel aliam Virginem muta-
to nomine.*

Salve S. Catharina Virgo benedicta,
Regis æterni Sponsa, obsecro te, ut
quibuscunque necessitatibus & tribula-
tionibus gravatus fuero, levamen &
auxilium, & præcipuè in studiis meis
per tuam intercessionem apud Deum
accipiam; Iterum te precor, ô Virgo
S. Catharina, ut pro me miserrimo pec-
catore Dominum Deum orare digneris,
ut misereatur mei; Suamque mihi gra-
tiam largiatur, quâ carnis illecebras &
mundi voluptates possim contemnere,
omniaque tum animæ tum corporis pe-
ricula superare; Atque unâ tecum æter-
no gaudio perfrui. Per Christum Do-
minum nostrum.

Ad omnes Sanctos.

OFelices Sancti Dei omnes, qui jam
transiistis hujus mortalitatis pela-
gus, & pervenire meruistis ad portum
perpetuæ quietis, securitatis, pacis:
Se-

Securi & tranquilli, semperque festivi
 atque gaudentes estis: Obsecro vos per
 vestram charitatem, qui securi estis de
 vobis, solliciti estote de nobis: Securi
 estis de vestra immarcessibili gloriâ, so-
 liciti estote de nostra multiplici miseria.
 Per ipsum vos rogo, qui vos tales fecit,
 de cuius beatissima visione semper gau-
 detis, Amen,

*Si Festum alicujus Sancti incidat, omnia
 diei opera per Sanctum illius diei Deo
 offer, & virtutem, quâ Sanctus præ-
 celluit, imitare.*

Orationes pro Defunctis.

Psalmus 129 Davidis.

DE profundis clamavi ad te Domi-
 ne: Domine exaudi vocem meam
 Etiant aures tuæ intendentes in vocem
 deprecationis meæ.

Si iniquitates observaveris Domine:
 Domine quis sustinebit?

C 5

Quia

Quia apud te propitiatio est: Et propter
legem tuam sustinui te Domine.

Sustinuit anima mea in verbo ejus:
Speravit anima mea in Domino.

A custodia matutina usque ad noctem:
Speret Israël in Domino.

Quia apud Dominum misericordia:
Et copiosa apud eum redemptio.

Et ipse redimet Israël: Ex omnibus
iniquitatibus ejus. Gloria Patri, & Fi-
lio &c.

Psalmus 50.

Miserere mei Deus: Secundum ma-
gnam misericordiam tuam.

Et secundum multitudinem misera-
tionum tuarum: Dele iniquitatem
meam.

Amplius lava me ab iniquitate mea:
Et à peccato meo munda me.

Quoniam iniquitatem meam ego co-
gnosco: Et peccatum meum contra me
est semper.

Tibi soli peccavi, & malum coram te
feci:

feci: Ut justificeris in sermonibus tuis
& vincas cum judicaris.

Ecce enim in iniquitatibus conceptus
sum: Et in peccatis concepit me mater
mea.

Ecce enim veritatem dilexisti: In-
certa & occulta sapientiæ tuæ manife-
stasti mihi.

Asperges me hyssopo, & mundabor:
Lavabis me, & super nivem dealba-
bor.

Auditui meo dabis gaudium & læti-
tiam: Et exultabunt ossa humiliata.

Averte faciem tuam à peccatis meis:
Et omnes iniquitates meas dele.

Cor mundum crea in me Deus: Et
spiritum rectum innova in visceribus
meis.

Ne projicias me à facie tua: Et Spi-
ritum sanctum tuum ne auferas à me.

Redde mihi lætitiā salutaris tui: Et
spiritu principali confirma me.

Docebo iniquos vias tuas; Et impii
ad te convertentur.

Li-

Libera me de sanguinibus Deus,
Deus salutis meæ: Et exultabit lingua
mea iustitiam tuam.

Domine, labia mea aperies: Et os
meum annuntiabit laudem tuam.

Quoniam si voluisses sacrificium, de-
dissem utique: Holocaustis non delectaberis.

Sacrificium Deo spiritus contribulatus:
Cor contritum & humiliatum Deus
non despicias.

Benigne fac Domine, in bona voluntate tua Sion: Ut ædificentur muri Jerusalem.

Tunc acceptabis sacrificium iustitiæ,
oblaciones & holocausta: Tunc imponent super altare tuum vitulos, Gloria Patri &c.

Oremus.

DEus, veniæ largitor, & humanæ
salutis amator: Quæsumus clementiam tuam, ut nostræ congregationis fratres, propinquos & benefactores, qui ex hoc sæculo transierunt, beatâ
Ma-

Ma-

Mariâ semper Virgine intercedente cum omnibus Sanctis tuis, ad perpetuæ beatitudinis consortium pervenire concedas.

Fidelium, Deus, omnium conditor & Redemptor, animabus famulorum famularumque tuarum remissionem curætorum tribue peccatorum: Ut indulgentiam, quam semper optaverunt, piis supplicationibus consequantur. Qui vivis & regnas in sæcula sæculorum. *Re. Amen.*

Ps. Requiem æternam dona eis Domine.

Re. Et lux perpetua luceat eis.

Ps. Requiescant in pace. *Re. Amen.*

Pro defuncto vel defuncta.

Absolve, quæsumus Domine, animam famuli tui N. (famulæ tuæ N.) ut defunctus (defuncta) sæculo, tibi vivat: Et quæ per fragilitatem carnis humanâ conversatione commisit, tu venia misericordissimæ pietatis absterge. *Per Dominum nostrum &c.*

Pro

Pro Patre vel Matre defuncta.

Deus, qui nos Patrem & Matrem honorare præcepisti: Miserere clementer animæ Patris mei N. (Matris meæ N.) meque eum (eam) in æternæ claritatis gaudio fac videre. Per Dominum &c.

P R A X I S

Piè prandendi.

Ad mensam vocatus, inter eundum cogita: Volo comedere & bibere ad honorem Iesu & Mariæ, vel quia est voluntas Dei.

Benedictio mensæ.

OCuli omnium in te sperant Domine, & tu das escam illorum in tempore opportuno. Aperis tu manum tuam & imples omne animal benedictione. Gloria Patri & Filio & Spiritui sancto: Sicut erat in principio, & nunc, & semper, & in sæcula sæculorum, Amen.

Kyrie eleison, Chritte eleison,
Kyrie eleison. Pater noster &c.

Ore.

Oremus.

Benedic Domine nos, & hæc tua dona, quæ de tua largitate sumus sumpturi, per Christum Dominum nostrum, Amen,

Dum consedisti, intentionem renova, dicendo: Quot micæ comedo, quot guttas bibo, tot tibi sint laudes Jesu: ut tibi serviam, tibi vivam & moriar.

Leges decori in mensa observa. Potissimum attende, ne cibo aut potu sic te oppleas, ut ad studia aliâque munia ineptus è mensa surgas; Tantum comede & bibe; quantum non sensualitas, sed justa necessitas postulat.

Gratiarum actio post mensam.

Agimus tibi gratias omnipotens Deus pro universis beneficiis tuis; Qui vivis & regnas in sæcula sæculorum Amen.

Kyrie eleison, Christe eleison, Kyrie eleison. Pater noster & c.

ψ. Sit

ʒ. Sit nomen Domini benedictum.

ꝛ. Ex hoc nunc & usque in sæculum.

Retribuere dignare Domine omnibus
nobis bona facientibus propter no-
mentum vitam æternam, Amen.

ʒ. Benedicamus Domino.

ꝛ. Deo gratias. Fidelium animæ per
misericordiam Dei requiescant in pa-
ce, Amen.

PRAXIS

*Instituendi Preces vespertinas &
Exam. en conscientia.*

*Stans ante oratorium, in presentia Deⁱ
& Sanctorum te constitue. Deinde ge-
nibus flexis Spiritus S. gratiam implo-
ra. hoc modo.*

Veni S. Spiritus, reple tuorum cor-
da fidelium, & tui amoris in eis
ignem accende.

ʒ. Emitte Spiritum tuum & creabun-
tur.

ꝛ. Et renouabis faciem terræ.

Ort-

Oremus.

DEus qui corda fidelium Sancti Spiritus illustratione docuisti, da nobis in eodem Spiritu recta sapere, & de ejus semper consolatione gaudere, Per Christum &c,

Litania Lauretana B. V.

KYrie eleison. Christe eleison. Kyrie eleison. Christe audi nos, Christe exaudi nos.

Pater de cœlis *Deus*, miserere nobis.

Fili redemptor mundi *Deus*, miserere nobis.

Spiritus sancte *Deus*, miserere nobis.

Sancta Trinitas unus *Deus*, miserere nobis.

Sancta Maria, ora pro nobis.

Sancta Dei Genitrix,

Sancta Virgo Virginum,

Mater Christi,

Mater divinæ gratiæ,

Mater purissima,

Mater castissima,

Mater inviolata,

Ora pro nobis.

Ma.

Mater intemerata,
 Mater amabilis,
 Mater admirabilis,
 Mater Creatoris,
 Mater Salvatoris,
 Virgo prudentissima,
 Virgo veneranda,
 Virgo prædicanda,
 Virgo potens,
 Virgo clemens,
 Virgo fidelis,
 Speculum justitiæ,
 Sedes sapientiæ,
 Causa nostræ lætitiæ,
 Vas spirituale,
 Vas honorabile,
 Vas insigne devotionis,
 Rosa mystica,
 Turris Davidica,
 Turris eburnea,
 Domus aurea,
 Fœderis arca,
 Janua cœli,
 Stella matutina,

Ora pro nobis.

Sa-

Salus infirmorum,
 Refugium peccatorum,
 Consolatrix afflictorum,
 Auxilium Christianorum,
 Regina Angelorum,
 Regina Patriarcharum,
 Regina Prophetarum,
 Regina Apostolorum,
 Regina Martyrum,
 Regina Confessorum,
 Regina Virginum,
 Regina Sanctorum omnium, ora pro
 nobis.

Ora pro nobis.

Agnus Dei, qui tollis peccata mundi,
 Parce nobis Domine.

Agnus Dei, qui tollis peccata mundi,
 Exaudi nos Domine.

Agnus Dei, qui tollis peccata mundi,
 Miserere nobis.

Sub tuum praesidium confugimus san-
 cta Dei Genitrix: Nostras depreca-
 tiones ne despicias in necessitatibus no-
 stris; Sed a periculis cunctis libera nos
 semper, Virgo gloriosa & benedicta,

Do-

Domina nostra, Mediatrix nostra, Advocata nostra, tuo Filio nos reconcilia, tuo Filio nos commenda, tuo Filio nos repræsentata.

ʒ. Ora pro nobis sancta Dei Genitrix.

ʒ. Ut digni efficiamur promissionibus Christi.

GRatiam tuam quæsumus Domine, mentibus nostris infunde, ut qui Angelo nunciante, Christi Filii tui incarnationem cognovimus, per passionem ejus & crucem, ad resurrectionis gloriam perducamur. Per Christum &c.

ʒ. Ora pro nobis beatissime Joseph.

ʒ. Ut digni efficiamur promissionibus Christi.

Oremus.

SANCTISSIMÆ Genitricis tuæ Sponsi, quæsumus Domine meritis adjuvemur; ut quod possibilitas nostra non obtinet, ejus nobis intercessione doneatur. Qui vivis & regnas Deus in sæcula sæculorum, Amen.

EXA-

EXAMEN CONSCIENTIÆ.

Punctum I. ad SS. Trinitatem.

Solve Deo grates.

O Sacrosancta Trinitas, quanta est tua erga me hucusque bonitas & liberalitas. O Pater æterne, gratias tibi immensas ago, quia me ad imaginem tuam, & ad salutem æternam creâsti, & in hanc usque horam tam paternè conservasti,

Gratias tibi summas habeo Fili Dei, quia pretioso Sanguine tuo me redemisti, & toties abluisti. Gratias tibi, S, Spiritus, maximas refero, quia me in baptismo sanctificasti & ad sanctam Ecclesiam Catholicam perduxisti.

Infinita laus & gratiarum actio sit tibi, Sanctissima Trinitas; quia hodie, omnibusque momentis vitæ meæ ab innumeris malis me protexisti, & tot beneficiis cumulâsti. Quid habeo mi Deus,
quod

quod rependam tibi? Suscipe, obsecro
omnia Jesu & Mariæ merita, & cum his
me ipsum, & omnia mea, in perpetuum
laudis & gratitudinis holocaustum.

Punctum II. ad Deum Patrem.

Pete lumen.

O Pater luminum, per charitatem
tuam æternam erga me, obtestor te.
Memoriam mihi renova, intellectum il-
lumina, voluntatem accende, gratiam-
que largire, agnoscendi, detestandi, e-
mendandi & compensandi omnia pecca-
ta, negligentias, & ingrattudines meas,
quibus hodie oculos divinæ Majestatis
tuæ offendi, ut deinceps tibi tanquam
obedientissimus filius per omnia pla-
ceam.

Punctum III. Discute Mentem.

*Percurre omnes diei horas; quando & quo-
modo surrexeris; an & quâ ratione pre-
ces matutinas persolveris: Quite gesse-
ris*

*ris in sacro, in officio, in studiis, con-
 versatione, prandio, &c. An cogitatione,
 verbo, opere & omissione deliqueris, erga
 Deum, Parentes, Superiores, proximos,
 te ipsum.*

Punctum IV. Ad Filium Dei

Delicti veniam posce.

CONTRITIO.

OJesu, O Salvator mi ! quàm ingra-
 tum me tot ac tantis tuis beneficiis
 exhibui ! quot nobilissimas horas malè
 impendi ! quot meriti æterni occasiones
 neglexi ! quot peccata denuò admisi,
 quorum ne vel unicum pro totius mun-
 di lucro admittendum foret. Damno ac
 detestor negligentiam, malitiàmque me-
 am, & doleo, quòd animam meam tot
 nævis maculârim, oculisque tuis divinis,
 ingratham, fœdâmq; reddiderim. Doleo
 deinde, mi Jesu, quòd iisdem graves
 pœnas incurrerim, & promeruerim sup-
 plicia justitiæ tuæ & iræ tuæ, † Maxi-
 me

me verò doleo, de his, & omnibus peccatis meis, quia hæc displicent infinitæ Sanctitati tuæ, quia offendunt summam bonitatem tuam, cui millies teneor & volo perfectè servire, placere, & omnia displicentia pro viribus evitare.

Agnus Dei qui tollis peccata mundi, miserere mei, quia iniquitatem meam ego cognosco, & ex intimo corde doleo, quod te Deum summum & unicum bonum unquam offenderim.

CONTRITIO ALIA.

ECce, mi Jesu, ego ego sum ingrattissima illa creatura quæ tanto à te sanguinis profluvio redempta, & tamen tot & tanta peccata rependi, Te Deum ac Dominum & Patrem in honoravi, mandata tua sprevi, bonitatem infinitam offendi. O quàm doleo sic te læsam, ò infinita Majestas & bonitas.

EGo sum filius ille prodigus, qui cælum, & dona divinæ gratiæ turpiter pro-

prodegi. Quàm confundor, ô immen-
sa charitas!

EGo sum ovis illa perdita, quæ Pastro-
rem suum deseruit, quàm detestor
malitiam & insaniam meam, ô incom-
prehensa bonitas!

Tibi soli peccavi, & malum coram te
feci: hinc doleo, & gemo, non tam quòd
peccatis meis pœnas à justo Deo merue-
rim [quod terribilium omnium terribi-
lissimum est] nec quòd regnum cœleste
pro re nihili perdiderim (quod damnum
super omne omne damnum est) sed ideo
magis ex toto corde doleo, quia cor Dei
mei contristavi, quia te offendi, qui es
Creator Redemptor meus, & summus
meus benefactor, Maxime; quia peccavi
tibi, qui es tibi ipsi, & in te summum
Bonum, Deus meus & omnia, quem in
majestate tua super omnia veneror; in
amabili bonitate tua super omnia diligo.

O Jesu! esto mihi Jesus, id est Salva-
tor, & salva me! id peto per lachrymas
tuas, per sudorem & sanguinem tuum,

D

&

& per cor dulcissimum Matris tuæ ?
Amen.

Punctum V. ad Spiritum S.

Recide malum.

ITerúmne peccabo ? corpus & animam
meam, vulnera & sanguinem Christi,
cælum, & omnia peccando prodigam ?
non faciam, ô sancte Spiritus, non faci-
am. Abrenuncio & detestor coram te om-
nia peccata mea, & si, quæ feci, adhuc
facienda forent, non facerem ea in æter-
num. Hoc præsertim peccatum N. quod
gravius te offendit, ô Deus ! omni pos-
sibili modo cavebo. Sed unde mihi vi-
res proposita hæc exequendi ? Novi fra-
gilitatem meam, & naturæ corruptæ in-
stabilitatem ; Velle quidem adjacet mihi,
sed perficere non invenio.

AD te igitur confugio, ô Spiritus Di-
vine ! unica spes, & robur animæ
meæ ! Omnia possum in te, si tu me con-
fortes. Statuo omnia peccata mea cum
gratiâ tuâ corrigere, peccandi occasio-
nes velut pestes fugere, inimicis offen-
sam

fam remittere. Legem tuam implere,
corroboram me, ô spiritus fortitudinis, &
qui dedisti velle, da perficere, per
Christum &c.

Finito examine, commendabis te

Deo & Sanctis.

Commendatio ad Deum.

SAlva nos Domine vigilantes, custodi
nos dormientes, ut vigilemus cum
Christo, & requiescamus in pace,

†. Custodi nos Domine, ut pupillam
oculi.

℞. Sub umbra aliarum, tuarum protege
nos.

Oremus.

Visita quæsumus, Domine, habitatio-
nem istam, & omnes insidias ini-
mici ab ea repelle: Angeli tui sancti ha-
bitent in ea, qui nos in pace custodiant,
& benedictio tua sit super nos semper.
Per Christum dominum nostrum. Amen.

Ad B. Virginem.

O Domina mea sancta Maria. &c.

vide pag. 8.

D 2

Ad

Ad S. Angelum C.

Angele Dei, qui &c. v. pag. 9.

Intentio ante somnum.

Quietem captabo mi Jesu, quia sic placitum est ante te, ut vires corporis restaurem, & divino tuo obsequio tanto aptior fiam. Mi Jesu, quoties respiro per noctem, toties tu à me sis benedictus, uti in cœlis te Seraphim benedictunt & Cherubim, Mi Jesu in te credo, mi Jesu in te spero, mi Jesu te amo super omnia. Tibi vigilo, tibi dormio, tibi vivo, tibi morior, amantissime Jesu.

Benedictio,

Nos cum Prole pia benedicat Virgo Maria. †

Ad lectum perveniens, aspergete, & illum aquâ benedictâ.

Dum vestes exuis.

Ora psalmum Miserere, vel de profundis, pro defunctis.

Dum lectum subis.

IN nomine Domini nostri Jesu Christi crucifixi vado cubitum; ille me benedicat, custodiat, & ad vitã perducatur æternã,

In lecto.

IN manus tuas Domine commendo spiritum meum. In pace cum Deo & hominibus dormiam, & requiescam.

N.B. Assuesce, ut honestè compositus, lateri dextero incumbens, brachiis ante pectus decussatis indormiscas: Et cogita, quasi in vulnere lateris Christi, vel Angeli Custodis complexu, vel in tumba sepulchrali jaceres, atque in ejusmodi piis cogitationibus somnum prestolare.

PIA SUSPIRIA.

Dum noctu evigilas.

Evigilans mox mentem ad Deum eleva, ut cum Davide possis dicere: memor fui nocte nominis tui, Domine; Et hujusmodi affectus elice.

1. Laudate Deum sol, & luna: Laudate eum omnes stellæ, & lumen. *vel.*

2. Benedicite noctes, & dies Domino. Benedicite lux & tenebræ Domino.

3. O quot Religiosorum millia, mediâ nocte surgunt ad confitendum Domino!

&

& ego in plumis jaceo. Gaudeo ex animo mi Deus, te laudari, particeps ego sum omnium timentium te!

4. O quot homines hęc nocte mortem oppetunt! utinam felicem! omnipotens faustam donet morientibus horam!

5. Si tam molestum est, modicum sine somno jacere in plumis, quàm grave erit æternum jacere in prunis!

Incipe denique recitare litanias, vel alias preces familiares, ita facillè tibi somnum conciliabis

P R A X I S.

Preparandi se ad Confessionem.

I. *Pete gratiam peccata cognoscendi, detestandi, & rite confitendi, per sequentem orationem.*

Oratio preparatoria.

PER Filii tui, omniumque Sanctorum & Angelorum merita, quæso, clementissime Deus, infunde cordi meo per gratiam Spiritûs sancti lumen, compunctionem, & fontem lacrymarum: ut possim reatum meæ conscientie perfectè cog-

cog-

cognoscere, delicta facinorum meorum plenariè confiteri, & devotè commissa accusare, ac de commissis omnibus dignam pœnitentiam facere, & de his, tua præstante misericordiâ, perfectam habere veniam. Amen.

II. Percurre dies ab ultima confessione elapsos, & horas à matutinis horis inchoando, & observa in quibus deliqueris: Licebit quoque percurrere Præcepta Dei & Ecclesie, quinque sensus, cogitationes, verba & opera, septem peccata capitalia. Et quem subjungo catalogum peccatorum.

I. Erga Deum.

*An mane & vesperi, ante & post sump-
tum prandium orationem intermiseris.*

*An preces consuetas cum attentione,
reverentia & devotione recitaveris.*

*An sacro Missæ officio reverenter inter-
fueris; an verò in eo, fabulatus, vagatus
oculis & animo fueris.*

*An Festis & Dominicis sacrum inte-
grum audiveris.*

An juraveris sine necessitate, reverentia & veritate.

An votum, si quod emisisti, servaveris.

An in rebus adversis murmuraveris, vel impatientiam prodideris.

An abusus fueris verbis sacrae scripturae, aut Ecclesiae ceremoniis, in jocos scurrilibus, aut turpibus.

An in Confessione & communione defectum aliquem admiseris: Maxime an negligens fueris in examinanda conscientia, elicienda contritione, renovando proposito emendationis, & poenitentia, aliisque a Confessario injunctis implendis.

An in concione, catechismo, sodalitate, precibus vespertinis attentus, an vero somnolentus extiteris.

An peccatum aliquod gravius sciens volens in confessione reticueris.

II. Erga proximum.

An proximum odio persecutus sis, praesertim gravi & diuturno.

An murmuraveris contra superiores, parentes.

An

An eosdem contempseris, riseris, in odium & invidiam apud alios vocaveris, eorum fame detraxeris.

An animi aversionem & rancorem ad versus eos retinueris, & quam diu.

An celaveris ea, quæ non oportuit maxime interrogatus.

An iis, aliisve surripueris aliquid & quantum.

An pecunias ad necessaria comparanda concessas inutiliter in ludos &c. impenderis.

An de aliis temere suspicatus fueris, vel iudicaveris.

An ab aliquo alienus animo fueris, an ei mortem optaveris, aut grave aliquod damnum, & quodnam illud.

An illatas injurias non tuleris, non condonaris, ultus fueris, sive verbo, sive facto.

An alios præ te contempseris, riseris, ad iracundiam provocaris.

An aliquem verberaveris, vulneraveris, vel id tunc nomine fieri iusseris, suaseris, induxeris, factum laudaveris.

An litigans cognomina dederis, an
convitiis aliquem appetiveris.

An inimicitias seminaveris, ad pug-
nam incitaveris & convitia.

An alicui scandalum dederis, eum ad
peccatum verbo vel opere provocando, vel
occasionem peccandi ei praeibendo, v. g. lau-
dando, irridendo, palpando, suadendo, ap-
probando, &c. quae peccata dicuntur aliena.

An rem aliquam surripueris, abscon-
deris, retinueris, quantum, quamdiu &
quod damnum inde secutum, & an resti-
tueris.

An aliorum hortis, agris &c. damnum
intuleris.

An furti particeps fueris.

An luseris ludis vetitis, & an luden-
do fraudem adhibueris notabilem contra
leges ludi, & in re gravi.

An inter ludendum altercatus, indig-
natus, imprecatus, vel horum causam alius
dederis.

An injustè aliquem accusaris vel detu-
luleris, & quod damnum inde secutum.

An

An mentitus fueris, praesertim cum
damno & praesudicio alterius.

An alicujus fame detraxeris, 1. Fal-
sum crimen imponendo. 2. Verum quidem,
sed occultum referendo.

An detractionibus faciles aures praebueris.

An alios graviter diffamaveris apud pa-
rentes, vel alios, vel scribendo vel narrando.

III. Erga Teipsum.

An superbus fueris, an vanè te, tuâ-
que jactaveris.

An pertinax & pervicax fueris in
sententia tua,

An invidus erga alios.

An nimis loquax, ineptè letus, scur-
rilis, & verba sordida, impura, etiam ex
joco locutus fueris.

An otiosus fueris, tempus malè impen-
deris, & vanis, curiosis, recreationibus
immoderatis, pravis consortiis & periculo-
sis addictus fueris.

An comedendo & bibendo excesseris,

*an usque ad vomitum, aut privationem
usûs rationis.*

*An diebus prohibitis carnes comederis,
aut, si etatem jam adeptus, jejunii leges
violaveris.*

*An turpes cogitationes & motus car-
nales habueris: an iis delectatus fueris vo-
luntariè, licet opus, quod cogitabas, per-
petrare nolueris.*

*An turpia verba, colloquia, cantilenas
animo lascivo effuderis, aut cecineris de-
lectando te in illis carnaliter veltaliter au-
diveris.*

*An verò hæc ipsa solùm ex joco, levi-
tate, sine delectatione, sine scandalo & pe-
riculo protuleris. Huc spectant tactus, of-
cula, aspectus libidinosi, &c.*

*An libros impudicos legeris animo libi-
dinoso, vel ex curiositate, cum periculo ta-
men consensûs; & an eos retineas, aut aliis
legendos dederis vei ostenderis.*

*An turpes imagines simili modo & a-
nimo aspexeris.*

Pra-

Præterea si officium aliquod, statimve
habeas, examina, utrum in illo deliqueris.

Circa prædicta. Nota 1. Tantum tibi ex his
seligenda & in confessione dicenda esse,
que commisisti, cæteris omissis.

Nota 2. Tunc peccatum dici deliberatum
& voluntarium, quando satis clarè ad-
vertimus & videmus nos malè agere, &
scientes, volentes, peccatum cogitatione,
verbo, aut opere patramus: Tunc verò
non esse deliberatum & voluntarium,
quando advertentes, voluntatem retine-
mus, ne consentiat, & ne velit, quod est
peccatum: dicentes vel cogitantes v. g.
non volo hoc aspicere, cogitare, loqui,
nolo consentire, &c. Si quis statim sic
cogitationem excutiat, ut carbonem vel
scintillam in vestem è foco immissam so-
lemus, magni meriti est, & actus vir-
tutis. Si quis verò negligens sit tardior
in resistendo, aut rejiciendo, poterit ve-
niale esse, si non consentiat.

Nota 3. Peracto examine, & observatis,
aut annotatis, ne oblivioni dentur, pecca-

tis, domi ante Crucifixum, vel potius in templo coram SS. Sacramento tardè, meditatè, & affectuosè elice fidem, spem, charitatem timorem odium & detestationem peccati; firmumque fac propositum, de quibus omnibus memorat Concilium Tridentinum. Potissimum autem contritioni & proposito eliciendo insiste.

Nota 4. Si recens confessus sis, & nihil gravius occurrat, firmumque in animo propositum fugiendi omnia venialia peccata non sentias, ad minus statue, majora quadam & magis noxia declinare. Sin autem tanta infirmitatis esses, ut illud quò ad peccata ab ultima confessione non posses, quia valde communia sunt, tibi que difficile ac molestum foret evitare; Crimen aliquod adducas, de quo antea confessus es, majorè que displicentiam & firmiorem emendandi voluntatem habes, ut hac ratione confessio perfecta & sincera sit, gratiamque revera mereatur: Ad hoc enim consequendum,

dum, necesse est hominem ad minimum quoddam delictum patefacere, quod & displicet, & firmo emendationis proposito amplius committere non vult.

ACTUS VIRTUTUM.

Ante Confessionem potissimum,
& aliàs frequenter eliciendi.

Actus Fidei.

Clementissime & benignissime Deus,
qui pro infinita bonitate tua, non vis mortem peccatoris, sed ut per fidem, spem, charitatem & pœnitentiam ad te Deum summum Dominum convertatur & vivat: Ego miser & infelix peccator cupiens tibi plenè conciliari ante thronum divinæ misericordiæ tuæ humillimè prostratus credo omnia, quæ per Ecclesiam unam, Sanctam, Catholicam & Apostolicam credenda proponis, credo tibi veritas & sapientia infinita. Credo te esse, qui creâsti & gubernas omnia,
&

& me ad seruitium & gloriam tuam; te esse Supernaturalem remuneratorem omnis boni, & punitorem omnis mali: animam æternam esse & imortalem, gratiam tuam & auxilium esse necessarium ad salutem: Te esse Unum in Essentia & Trinum in Personis, Patrem, Filium & Spiritum sanctum; filium esse pro nobis incarnatum & passum, Christi gratiam nobis conferri per Sacramenta, & propter ejus merita nobis promissam esse gratiam & æternam beatitudinem à te Deo fidelissimo, potentissimo, & misericordissimo dandam. Credo mortem ac damnationem æternam & timeo; Credo vitam ac beatitudinem æternam & spero; Credo quovis peccato mortali gratiam tuam & cœlum perdi atque infernum acquiri & horreo. Credo Pœnitentiæ Sacramentum ac remissionem peccatorum, & unice desidero. Credo te, in te ipso propter infinitas tuas perfectiones esse Deum amabilissimum, finem ultimum rerum omnium, dignissimum non offendi, sed sem-

semper amari & honorari: Hæc cætera-
 que omnia, quæ per Ecclesiam Catho-
 licam credenda proponis, credo, mi
 Deus, quia tu dixisti & revelasti, qui
 es infinita Veritas, non potens falli nec
 fallere, nec potens errare aut mentiri.
 Credo Domine, adjuva incredulitatem
 meam,

Actus Timoris.

O Quàm horrendum est incidere in
 manus Dei viventis! quis non tre-
 mat? quis non expallescat? ô angustia!
 exclamat S. Anselmus: Hinc erunt ac-
 cusantia peccata, inde terrens justitia,
 subtus patens horridum chaos ignis, de-
 super iratus Judex, intus urens conscien-
 tia? Ubi latebo? ubi apparebo? latere
 erit impossibile, apparere intollerabile.
 O anima mea? quanta igitur stultitia est,
 Diabolo & carni tam leviter cedere? in
 omni tentatione, cum S. Hieronymo,
 cogita terribilem illum ultimæ tubæ so-
 num; Surgite mortui, venite ad judi-
 cium;

eium: Proponet tibi severissimum illum
Judicem, qui non parcat delinquenti.

Actus Spei.

Spero in infinita Bonitate & Misericordia sanctissimæ & individua Trinitatis, Dei Patris, & Filii & Spiritûs sancti, in sanctissimis meritis, sacratissimis vulneribus, dolorosissimâ passione & morte Christi, in meritis & intercessione B. V. Mariæ & omnium Sanctorum. Per hæc & propter infallibilem promissionem tuam, propter fidelissimam ac potentissimam misericordiam & bonitatem tuam DEUS, spero omnia & desidero media ad salutem, gratiam in vita, gratiam in fine vitæ & vitam æternam; Spero & gratiæ tuæ, te ipso dante cooperabor: Spero etiam remissionem peccatorum; quia tu, mi Deus, qui omnipotens es, & summè fidelis in promissis, & infinite propensus ad præstandum, quidquid promisisti, disertè pollicitus es per Ezechielem Prophetam c. 18. *Si impius*

pius

impie egerit poenitentiam ab omnibus peccatis suis, quae operatus est, & custodierit omnia praeccepta mea, & fecerit iudicium, vitam vivet & non morietur: omnium iniquitatum eius, quas operatus est, non recordabor.

Actus Charitatis.

A Mote, mi Deus. quia creasti me, redemisti, sanctificasti, conservas, & innumeris quotidie beneficiis cumulas; amo te quia insuper dare vis mihi aeternam in caelo beatitudinem. Sed ideo amo te maxime, & super omnia te amo, quia tu Deus es ob infinitas perfectiones tuas omni amore dignissimus: Tu es Deus sapientissimus, potentissimus, sanctissimus, pulcherrimus, indefectibilis, aeternus, immensus, incomprehensibilis; Tu es omne bonum in te ipso, propter te aestimari, coli, honorari dignissimus, licet nec praemium a te sperandum, nec poena timenda esset; Illas tuas perfectiones tibi ex animo favco & gra-

tu-

tulor. Gaudeo te ab hominibus agnosci, te ab Angelis tuis incessanter laudari, te tibi complacere in te ipso. Utinam cessent omnia peccata hominum, quia contra te & tibi infinitè bono mala sunt & odibilia: Utinam te creaturæ omnes ament, revereantur, adorent quantum possunt, & sicuti propter infinitam tuam excellentiam mereris: Utinam in omnibus impleatur tua sanctissima voluntas, & fiat semper, quod tibi maximè est placitum. Ex hoc in te amore, mi Deus, amo Angelos & homines ejusdem mecum beatitudinis capaces; amo me ipsum, sed semper propter te, quia tu, infinitè bonus, hoc vis, & tibi hoc placet, quia tibi bonum & beneplacitum est, quòd ità ab omnibus & in omnibus agnoscaris, ameris, lauderis.

Actus Contritionis.

Dolor & detestatio:

EX hoc eodem tui amore, ô Deus!
 Edoleo ex toto corde de omnibus peccata-

caris meis tam occultis, quàm mihi notis
 quia iis te offendi, qui es summè bonus,
 infinitè perfectus, maximè amabilis. Do-
 leo quia peccavi contra te Creatorem,
 Redemptorem, Deum meum. Pœnitet
 me unquam peccâsse! Displicet, quòd
 ausus sim te Deum meum offendere. Sup-
 plex peto veniam & misericordiam. De-
 testor, execror, abominor omnia deli-
 cta, quæ à pueritiâ in hanc usque horam
 commisi: Detestor illa super omnia de-
 testabilia propter fœdam eorum turpi-
 tudinem. Propter iram & pœnam justi-
 tiæ tuæ detestor, propter detrimentum
 animæ meæ, propter ingratitude[m]
 contra bonitatem tuam. Imprimis autem,
 doleo & detestor omnia (illud aut illa
 imprimis) quia te summum bonum spe-
 cialiter illo offendi, quia cor tuum con-
 tristavi, quia displicui & malum feci ti-
 bi, qui licèt nec cœlum esset, nec infer-
 nus, nec præmium vel pœna, attamen
 propter infinitam tuam bonitatem &
 perfectionem eras & es dignissimus non
 offen-

offendi, sed semper amari, coli, hono-
rari.

Propositum. Ignosce mi Deus, qui non
vis mortem peccatoris. Ignosce. Propo-
no firmissimè, ex hoc momento nunquam
iterum te offendere; Propono vitare con-
stanter, singulari studio deliberata pec-
cata ad unum omnia & occasiones pec-
candi mortaliter, & magna solitudine
illud (illa) declinare [*nominetur quod
supra*] confitebor illud. Agam pœniten-
tentiam. Fugiam occasiones. Adhibebo
remedia. Serviam tibi Deo meo fideli-
ùs. Ignosco tui amore omnibus, quot-
quot unquam gravavi, scandalizavi, læ-
si, contristavi, contempsi aut judicavi,
veniam humiliter peto, ijsque pro viri-
bus satisfacere cupio. Et quia hæc for-
te non sufficiunt delendis, quæ contraxi
debitis, etiam in satisfactionem offero
merita Jesu Christi, B. Virginis, omni-
ùmque Sanctorum, opera mea, vitam-
que totam. Ignosce Pater clementissime,
& Filium prodigum in gratiam recipe,
â qua

à qua nunquam finas me excidere. O
Deus optime, potiùs mihi mortem im-
mitte, quàm in peccatum grave delabi
permittas. Malo mori quàm peccare.
Adjuva imbecillitatem meam.

*Actus breviores Virtutum
earundem.*

Fides. Credo te Deum trinum & u-
num esse remuneratorem bonorum, &
punitorem malorum, & timeo; Credo
etiam omnia quæ per Ecclesiam Catho-
licam credenda proponis, quia tu, mi
Deus, dixisti, qui es Veritas infinita non
potens fallere, nec falli, nec errare, nec
mentiri.

Spes. Spero, mi Deus, & desidero per
merita Christi remissionem peccatorum,
omnia media ad salutem, gratiam in fi-
ne vitæ & vitam æternam; quia tu pro-
misisti, qui in promissis servandis es De-
us fidelissimus, potentissimus servare, &
misericordissimus ut serves.

Amor. Amo te Deum meum sum-
mum

sumum Bonum super omnia, quia summum Bonum es.

Contritio. O summum & omne Bonum, doleo quod unquam offenderim te. Detestor omnia peccata. Propono firmissimè imposterum nullo peccato te offendere, omnesque peccandi occasiones devitare,

Ad Sanctos.

OMnes Sancti & Sanctæ Dei inreredite pro me: Impetrate mihi misericordiam Dei, contritionem & remissionem peccatorum, emendationem vitæ, bonum usum Sacramenti Pœnitentiæ & Eucharistiæ, iudicium Dei mite & clemens, ac beatam æternitatem. Adeste & auxiliamini mihi semper & ubique, Amen.

Octo Motiva Contritionis & propositi emendationis, è quibus nunc hoc, nunc illud ante Confessionem aliquamdiu considera & expende.

DOleo ex toto corde meo, & ex tota ani-

anima mea, ô Deus! de omnibus peccatis
 meis notis & occultis, eadèmq̃ su-
 pra omnia summè execror & detestor.

I. Quia iisdem Te offendi, qui es Ma-
 jestas infinita, & ne minimo quidem pec-
 cato lædenda ob mille mundorum salu-
 tem. Quia offendi Te Deum patrem
 meum, qui es infinita Potentia, quâ me
 ex abyſſo nihili eduxisti, corpore, ani-
 mâ membris, sensibus & potentiis do-
 nâsti. Et ego iisdem abutens contra te
 rebellavi O quanta impietas!

II. Doleo de peccatis meis, quia
 offendi te, Fili Dei, qui es sapientia in-
 finita, omnia sciens, omnia penetrans,
 omnibus semper præsens: Et ego Te
 præſente & spectante, tam fœdè deliqui,
 O quanta audacia & insipientia!

III. Doleo de peccatis meis, quia
 offendi te, Spiritus sancte, qui es Amor
 & Bonitas infinita, cujus gratiam sprevis:
 O quanta perversitas!

IV. Doleo de peccatis meis, ô Deus!
 quia offendi Te, qui es infinita Justitia,
 E qui

qui Luciferum æterno incendio, totum mundum diluvio, pentapolim igne sulphureo plexisti: Et ego vermiculus te contempsi, atque ad iram & vindictam provocavi. O quanta temeritas.

V. Doleo de peccatis meis, quia offendi Te, Jesu Christe, qui es infinita Benignitas & Clementia, qui pro me tam mira fecisti, tam dira fustinuisti, tantum sanguinis profudisti; & ego toties sanguinem testamenti pollutum duxi, scelera & malefacta rependi. O quanta ingratitude.

VI. Doleo de peccatis meis, ô Deus, quia offendi Te, qui es infinita Misericordia, qui me, patrato primo lethali scelere, mox cum Diabolis ad infernum deturbare poteras, sed clementer pepercisti: Et ego iterum iterumque peccavi. O quanta mea præsumptio!

VII. Doleo de peccatis meis, o Deus, quia offendi Te, qui es infinita majestas, omni meo creaturæ & servi tui veneratione & obsequio dignissima. O quanta injuria.

VIII.

VIII. Doleo de peccatis meis, ô Deus, quia Te offendi, qui es infinita Amabilitas, infinita Suavitas, Sanctitas, Pulchritudo, Dulcedo, Perfectio, cui ego voluptatem momentaneam, lucrum exiguum, honorem evanidum perfidè præposui. O quanta cœcitas, & malitia.

Alium actum contritionis & propositi habes pag. 71. & seq.

P R A X I S

Confessionis.

Ante confessionem, ingressus sacrum tribunal benedictionem pete his verbis: Benedic Pater: Et formato signo crucis, subjunge.

Confiteor Deo omnipotenti, B. Mariæ semper Virgini, omnibus Sanctis, & tibi, Pater, quia peccavi nimis cogitatione, verbo & opere.

Deinde, indicato tempore ultimæ confessionis, peccata tua recense. 1. Humiliter, ea non excusando. 2. Breviter,

E 2

super-

*superflua non narrando. 3. Sincerè,
peccata non palliando. 4. Honestè &
clarè, ut satis intelligantur. 5. In-
tegrè addendo speciem & numerum
certum, vel si eum nescias, verisimilem,
ità ut nullum peccatum mortale, volun-
tariè omittas, quia hoc grande sacrile-
gium est: Et sic denique concludè.*

De his & omnibus aliis peccatis meis
doleo ex intimo corde, quòd Dominum
Deum summum Bonum offenderim, de-
testor illa, & firmissimè propono me
emendare, peto que salutarem pœniten-
tiam & absolutionem.

*Sub absolutione cogita animam tuam mun-
dari pretioso sanguine Jesu Christi: cujus
merita per Sacramentum tibi applican-
tur, & breviter renova actum contri-
tionis.*

O Deus propitius esto mihi peccato-
ri, ô quam doleo, quòd te summum Bo-
num unquam offenderim, propono e-
mendationem.

Post

Post Confessionem.

*Pœnitentiam, tanquam à Christo injun-
ctam, libenti animo accipe, & quàm
primum potes, exequere. eâque pera-
ctâ sic precare.*

O R A T I O.

Post Confessionem.

SIt tibi, obsecro, meritis Beatæ sem-
per Virginis Genitricis tuæ Mariæ &
omnium Sanctorum grata & accepta ista,
confessio mea, & quidquid mihi defuit,
nunc & aliàs de sufficientia contritionis,
de puritate & integritate confessionis,
suppleat pietas & misericordia tua; &
secundùm illam digneris me habere ple-
niùs & perfectiùs absolutum in cœlo; qui
vivis & regnas Deus in sæcula sæculo-
rum, Amen.

Alia,

LArgire mihi Domine gratiam co-
piosam, vitam seriò emendandi, &
in gratia tua usque ad mortem perseve-
ran-

randi. Per Jesum Christum Dominum nostrum, Amen.

Denique à Christo tibi dici cogita:

Vade, & jam amplius noli, peccare.

METHODUS.

Extirpandi vitia, & inserendi virtutes, per examen particulare.

Examen particulare à S. Ignatio exactè traditum, est illud, quod non, ut generale, omnia vitia simul persequitur, sed unum particulare vitium extirpandum, vel unam virtutem inserendam suscipit. Faciliùs enim hostes vincit, qui successivè, quàm qui omnes simul aggreditur. Pro hujus praxi sequentia puncta sunt.

PRÆNOTANDA

Pro clariori notitia hujus
Examiniis.

*I. Scias velim summo studio tibi ad-
lebo-*

laborandum esse, uti & conscientia tua Arbitris, Parentibus & Magistris, ut vitia & pravas inclinationes à teneris exstirpes, ne per actus frequentatos ita radicentur, ut in adultiore etate difficillimum sit ea evellere.

II. Vitia, quæ per hoc examen emendari possunt, sunt mendacia, juramenta, verba scurrilia, opera impudica, rixæ, fabula in templo, lusus vetiti, oblocutio, inobedientia, iracundia, impatientia.

III. Virtutes verò, quæ per hoc examen acquirenda, sunt observatio ordinis diei, intentio pura, memoria presentia Dei & Angeli Custodis, custodia oculorum, lingue, aurium, manuum, temperantia, patientia, humilitas, castitas, charitas.

IV. At tam vitia, quàm virtutes, non tota simul sumenda, sed per partes. utque facilius examinis praxis evadat, nonnullarum virtutum actus adscribo, plures ex aliis libris, aut à Confessario petes.

ACTUS TEMPERANTIÆ,
Contra Gulam.

1. *Nunquam excedere in cibo & potu, multò minùs ità corpus opplere, ut grave- tur, & studiis &c. ineptum reddatur.*
2. *Non desiderare cibos lautiores.*
3. *Tempus edendi observare.*
4. *Nimum edendi æstum frænare.*

ACTUS MANSUETUDINIS,
Contra Iram.

1. *Iram externis signis non prodere.*
2. *Eandem in corde non fovere.*
3. *Non imprecari, minari, ulcisci vel nocere.*
4. *Inimicis velle & facere bene, pró- que iis orare.*

ACTUS HUMILITATIS,
Contra Superbiam.

1. *Se vilem, miserum & peccatorem agnoscere.*
2. *Se aliis non præferre.*
3. *Se & sua non jactare.*
4. *Alios & aliena non contemnere.*

5. Con-

¶. *Contemptum, Christi exemplo, patienter & libenter ferre.*

ACTUS CASTITATIS,
Contra Luxuriam.

1. *Impuras cogitationes mox repellere.*
2. *Nullum verbum indecens proferre, legere, vel libenter audire.*
3. *Oculos, domi, in plateis, ac templis diligentissimè custodire, ita ut nullam imaginem turpem &c. fixis oculis aut morosè intuearis.*
4. *Manus cautè custodire, nec cum ulla vel minima delectatione carnali partem corporis proprii aut alieni attingere.*
5. *Omniem societatem pravam, praesertim alterius sexus, quae te ad illicita seducere possit, velut pestem fugere.*
6. *Consule Confessarium, vel ipse dispice, quod vitium maximè te infestet, aliosque offendat, ac foras erumpat, atque illud indies tam diu oppugnes, donec expugnes. Aut è virtutibus praedictis selige tibi magis necessariam & exerce eam juxta sequentem methodum.*

E §

PRAXIS

P R A X I S.

Examinis Particularis.

1. Mane post preces matutinas firmiter statue hoc vitium, quod oppug-
nandum elegisti, omni diligentia evita-
re, & auxilium divinum effragita.

2. Per diem aliquoties propositum
hoc renova, & quoties impingis, mox
dolorem excita, percuso (clam aliis)
pectore.

3. Sub vesperum, defectuum aut
virtuosorum actuum numerum, in libello
aliquo vel charta annota: Et cura, ut nu-
merus defectuum indies decrescat; vir-
tutum verò crescat, juxta adjectas tabellas

Tabula Vitiorum
extirpandorum.

Domin
Lunæ
Martis
Mercurii
Jovis
Veneris
Sabbathi

Tabula Virtutum
inferendarum.

Dominica
Lunæ
Martis
Mercurii
Jovis
Veneris
Sabbathi

4. Expedi, ut ob commissos defectus aliquam tibi pœnam imponas, tēque quodammodo ad servandum bonum propositum adigas

5. Quia verò sine gratia Dei ne minimum quidem vitium emendari potest, hinc sæpius per diem suspirio aliquo gratiam pete. Et emendato uno, ad aliud progredere.

SEPTEM MEDIA

Vincendi tentationes carnales.

1. Fuga. Fugite, ait Apostolus de hoc vitio. Vitanda igitur sunt, prava societas, aspectus liberior, colloquia, & lectio turpis, otium, ludi vetiti, intemperantia, & alia quævis occasio.

2. Præsentia Dei. In omni tentatione mox cogita, vivæque fide dic: Deus omnia videt, etiam cogitationes. Iudex meus mihi adest, qui potest me eodem memento, quo pecco, occidere, & damnare.

3. Fre-

3. Frequens communio, in qua Christum accipis fontem omnis sanctitatis & puritatis.

4. Confessio eidem Sacerdoti facta singulis 8. vel 14. diebus; in qua distinctè explicandum, num primo momento restiteris; An verò hæseris, nec admittendo, nec seriò repellendo; an denique voluntariè admiseris seu consenseris, & hoc quoties?

5. Oratio fervens, & protestatio quotidiana coram Deo, quod mori malis quàm peccare, Quotidiana B Virginis, Angeli custodis, S. Josephi, S. F. Xaverii, & B. Aloysii invocatio.

6. Opera pœnitentiæ, ut jejunii, orationis cum expensis brachiis, cilicii &c. Sed hæc cum consilio Confessarii. Hoc genus Dæmoniorum non ejicitur, nisi in oratione & jejunio. Quare cum S. Paulo castiga corpus tuum & in servitutē redige, ne recalcitret ac rebellet; Et post lapsum mox dole, & de te pœnam sume.

7. Dum jam pulsari te sentis tentatione

tione, vel phantasiâ impurâ; statim pollice crucis signum cordi imprime, dicens: O Jesu! sis in corde meo, ne tentationi succumbam; malo mori quàm fœdari. Per sanctam Virginitatem tuam &c.

Addi etiam possunt actus fidei spei & charitatis. v. g. Sic Te mi Deus in fide aestimo; in spe desidero, in charitate diligo; ut Te deserere & offendere nolim.

P R A X I S.

Piè communicandi.

Quoties adire sacram Communionem vis, sex requiruntur: Ante sumptionem desiderium & puritas; In sumptione humilitas & charitas; Post sumptionem gratiarum actio & renovatio mentis.

Accessurus igitur ad sacram synaxin cogita, te à S. Apostolo Paulo moneri his verbis: Probet se ipsum homo, & sic de pane illo edat, &c. Qui enim manducat & bibit, indignè, iudicium sibi manducat & bibit non dijudicans Corpus Domini, 1. ad Cor. 2. Probatio autem hæc consistit in sequentibus.

Pridie Communionis.

1. *Desiderium fervens sacrae communionis aliquoties per diem excita, & sub noctem in his cogitationibus indormisce.*

Quis est, qui ad me veniet? quis sum ego, qui ad eum vadam? & quomodo ad me veniet? quomodo ad eum vadam, & quomodo à me sumendus? Quare ad me veniet? veniet, ut omne genus obsequii mihi praestet, amantissimi Patris, boni Pastoris, Consiliarii, Magistri, Medici, Advocati, Consolatoris, Redemptoris, Amici &c. Cur ad eum vadam? ut ab eo recipiar in gratiam filius prodigus, dirigar, instruar, saner, adjuver, conserver & glorificer.

2. *Ex libello pio nonnihil de Communione lege v.g. Capitulum ex 4. libro Th. ma de Kempis.*

3. *Si tibi suppetat, eleemosynam largire, & aliquod opus misericordiae corporale vel saltem spirituale exerce, v.g. orando pro conversione Infidelium, Hæretico-*

tico-

ticorum, Peccatorum vel pro defun-
ctis.

4. Jejuna, aut certè temperantiùs cœ-
na, bolos aliquos sapidiore tibi sub-
trahere; Eò magis sapiet manna cœ-
leste.
5. Solitò ferventiùs preces vespertinas
persolve.
9. Aliquod humilitatis vel pœnitentiæ,
opus præmitte, & modestius in omni-
bus te gere.

IPSO DIE
Communions,

1. Maturiùs, alacriùsque è lectote prori-
pe, & primam cogitationem non de alio
concipe, quàm de dilecto tuo, quem ho-
die in pectus suscipies.
2. Preces matutinas ferventiùs recita.
3. Per quadrantem horæ, vel semiboru-
lam meditare de hoc mysterio & expen-
de: quis ille sit, qui ad te venturus
est. ad quem, cur? Jam eum confide-
ra ut Regem, jam ut Patrem, jam

ut

ut Medicum &c. Te verò ut pauperem, in firmum, miserum, &c.

4. *Si meditari nescias saltem è libello pio de hoc beneficio tardè & attentè per quadrantem hora lege.*
5. *Desiderium & orem in cœlestis hujus alimonia in te excita sæpius ingeminans; Veni Domine & noli tardare. Vel: Desidero te millies, mi Jesu, quando venies? me lætum quando facies? me de te quando saties.*
6. *Exactam peccatorum exhomologesin, nisi pridie feceris, institue.*
7. *Sub sacro varios variarum virtutum actus eliciendo, ad actualem devotionem animum inflamma, & ex sequentibus, quos tibi præelicio, modò his modò illis pro opportunitate & gustu tuo utere.*

O R A T I O N E S

Et actus virtutum ante Communionem.

Fides.

O Jesu, veritas & vita; Fide firmâ
cre-

credo in hoc admirabili Sacramento,
 quod modò suscipere intimè desidero,
 re ipsa esse Divinitatem tuam cum Po-
 tentia, Sapientia & Bonitate infinita.
 Credo istic verè præsentem esse sacratis-
 simam Humanitatem tuam, cum omni
 sua perfectione & sanctitate, animam
 cum potentiis, corpus tuum verum &
 vivum, integrum & gloriosum, totum
 sub totâ, & totum sub quâlibet parte, se-
 cundum corpus & animam, carnem &
 sanguinem: & hoc ipsum credo, quia tu
 summa Veritas & suprema Veracitas di-
 xisti: Hoc est corpus meum *Matth. 26.*
 Et quia tu cum Patre & Spiritu sancto es
 unus Deus, credo etiam adesse Patrem
 & Spiritum S,

Credo gratiam conferri iis, qui hoc
 Sacramentum aliâque ritè suscipiunt.
 Credo de hoc mysterio, ô Salvator mi,
 humiliter & simpliciter quidquid tu no-
 bis revelasti & per Ecclesiam tuam cre-
 dendum proposuisti. Credo idem, quod
 creditum & doctum est ultra mille & se-
 ptin-

ptingentos annos à sanctis Patribus & Ecclesiæ tuæ Doctoribus.

Fallant igitur & fallantur sensus quod frequens est; Obstrepant & blasphement Hæretici, quod detestandum est; Ego tamen credo infallibilibus verbis tuis, ò Jesu, quia tu dixisti, qui nec falli potes, nec fallere, utpote æterna Patris Sapientiæ & prima Veritas. Credo, credo, credo, quidquid dixit Dei Filius, nil hoc verbo Veritatis verius.

Metus Reverentialis.

Sed Majestatem & Omnipotentiam tuam considerans, ò Domine, totus paveo & contremisco: Nam si Oza tangens Arcam, Eucharistiæ figuram, mox percussus interiit; Quomodo ego carnem tuam, vivam omnis Sanctitatis Arcam, ausim ore meo impuro tangere? Israëlitæ terrore percussi non ausi fuêre montem Sinai fumantem accedere. ut legem obtinerent: Et quomodo ausim ego peccator ad montem gloriæ tuæ, ad omnipotentiam tuæ Sacramentum appropinquare,

re,

re, & legislatorem meum, cœli terræ-
 que Monarcham suscipere? Non aude-
 rem certè. ô Domine, nisi tua juberet
 Majestas, & blandâ voce invitaret Boni-
 tas, Quia ergo dicis: Venite ad me om-
 nes: Ecce venio; ut reficias me; quia
 dicis: Sinite parvulos venire ad me; ec-
 ce adsum, ut me facias verè parvulum
 humilitate & innocentia: tuisque mori-
 bus similem reddas.

Humilitas.

VEruntamen ô Domine, vilitatem
 mem cogitans, totus confundor.
 Non sum ego Angelus aut Archangelus,
 sed homo, de humo & terræ limo forma-
 tus, & illitremunt coram te, & faciem
 velant. Non sum Joannes Baptista in u-
 tero sanctificatus, sed in iniquitate con-
 ceptus & natus; & ille indignum se repu-
 tat, ut vel corrigiam calceamenti tui sol-
 vat. Quid igitur de me sentiam? quid
 agam? Ecce Domine, me penitus abji-
 cio, & ad Majestatis tuæ pedes humilli-
 mè

mè prostratus indignitatem meam agnosco, & profiteor, licèt mille annis me præpararem, indignus tamen essem, qui ad divinum hoc Sacramentum accederem: Tu enim in eo præsens, es Dominus, ego servus; Tu conditor, ego limus; Tu sanctus, ego perversus. Quia tamen me invitas, & mortem minaris, nisi carnem tuam manducavero: hinc festino ad te; & quò miserior ac pauperior sum, eò magis ad fontem omnis boni propero: Quemadmodum desiderat cervus ad fontes aquarum: ità desiderat anima mea ad te, Deus. Veni ô Domine, patent penetralia cordis mei: anhele ad te, quia amore tui languero. Sed utinam omnium Sanctorum præparationes ac virtutes solus haberem, ut dignior ad tantum Dominum suscipiendum evaderem. Ornent me, ô Jesu! merita tua & virtutum decora, ut dignus sim tantâ gratiâ.

Spes

Spes.

O Salvator mi, & spes omnium finium
 terræ! Tu es Domine spes mea à ju-
 ventute mea; quid mihi negabis, qui te
 ipsum dabis? cum tu promiseris: Qui
 manducat hunc panem vivet in æternum;
 ego infallibili hâc promissione fretus, vi
 meritorum tuorum, ac virtute hujus effi-
 casissimi Sacramenti, spero à te vitam,
 gratiam ac gloriam sempiternam. Et
 quid non sperem à Te? Tu solus potes
 dare omnia, quia super omnia potens es:
 Tu dare vis omnia, quia infinitè bonus
 es. Da igitur per Bonitatem tuam, quæ
 peto, ô Domine! Ego infirmus sum, esto
 medicus & sana me; ego cæcus sum, tu
 lumen, illumina me; ego immundus, tu
 fons puritatis, ablue me; ego ignorans,
 tu sapiens, doceme; ego tepidus, tu ignis
 consumens, accende me; & salva me; qui
 salvos facis sperantes in te: Ego enim in
 te Domine speravi, non confundar in æ-
 ternum,

Chari-

Charitas.

O Amabilissime Jesu, quantum teneor
 amare Te! Amo te ex toto corde,
 quia creâsti me; amo te ex tota anima,
 quia redemisti me: amo te ex tota men-
 te, quia sanctificâsti me: amo te de-
 nique ex omnibus viribus meis, quia
 pretioso corpore & sanguine tuo toties
 cibâsti me: O amator hominum! verè
 amor tuus necesse est, ut sit infinitus,
 qui ad tanta amore nostri facienda te ad-
 egit: qui eò te permovit, ut pridie, quàm
 patereris, institueris hoc admirabile Sa-
 cramentum amoris; ut nobiscum perpe-
 tuò permaneres & intimè te nobiscum
 conjungeres. O amor infinite! cur ego
 non vicissim torus ardeo amore tui? Do-
 mine tu scis, quia amo te, & omnibus
 rebus antepono te, & millies ampliùs
 desidero amare te; & in signum amoris,
 Accedo ad te, ut arctiùs uniar tibi. Offe-
 ro tibi omnia mea, animam & vitam,
 corpus & cor meum, suppliciterque pe-
 to, ut hæc accipias & cœlesti igne a-
 moris tui penitus accendas. *In-*

Intentio.

Plurimum prodest accedere cum intentione pura & tempori aacomodata, juxta monitum S. Bonavent. opusc. de preparat. ad Missam. Petendo nunc remissionem peccatorum, nunc remedium pro infirmitate sua, nunc liberationem ab aliqua tribulatione, interdum pro obtinendo aliquo beneficio, interdum ad agendas gratias, interdum pro salute proximi, vel pro animabus purgatorii, denique in laudem & honorem SS. Trinitatis, memoriam Passionis Christi, & augmentum charitatis, in quem finem dici potest sequens

Oratio.

OMnipotens Deus! Ego peccator indignissimus suscipere volo Corporis & Sanguinis Filii tui Sacramentum, ad laudem & gloriam supremæ tuæ Majestatis; in memoriam passionis ac mortis Jesu Christi; in gratiarum actionem pro omnibus beneficiis mihi & toti Ecclesiæ concessis; in propitiationem pro omnibus
bus

bus peccatis meis: ad obtinendam ardentissimam charitatem Dei & proximi; ad impetrandam gratiam Dei & opem in re ista N. pro salute mea & proximorum N. N. ut charitate perfecta tecum conjuncti vivamus, pro solatio quoque defunctorum N. N. ut cum Beatis in cœlo te citius laudent, & laudando æternum delectent. Omnes denique intentiones, quas vel Christus Sacramentum instituens, vel ullus Sanctorum suscipiens sibi unquam præfixit, easdem & ego habere unice opto & desidero, ad summam laudem & gloriam tuam. Amen.

Invocatio SS. Patronorum.

UT autem confidentius, digniusque accedam: Succurrite mihi omnes sancti Patroni mei, Sanctique omnes; Tu præcipuè sanctissima Virgo Maria; quæ Deum & Hominem purissimis visceribus concipere & portare meruisti, impetra mihi per amorem Filii tui, Spiritûs sancti gratiam, ut & ego eum digne recipere & portare merear.

San-

Sancte Archangele Michael, túque mi
S. Angele tutelarís omnésque Angeli, as-
sistite mihi in hac hora: cúmq; me vir-
tutibus & meritis destitutum videatis;
vestris, obsecro, me virtutibus & meritis
cxornate; ne in hoc divino convivio sine
veste nuptiali compaream, & velut in-
dignus repellar.

*Si festum sit alicujus Sancti, offer in hono-
rem illius S. Communionem & dic:*

O Sancte N. impetra mihi hanc ab A-
gno Dei gratiam, ut omnia pecca-
ta mea, etiam occulta, tollat; atque ità
in Sanguine Agni dealbatus purissimã e-
jusdem Carne, cum gustu & fructu refi-
ciar; impetra & mihi, ut frigidum pe-
ctus meum amore Jesu ardeat, & totum
ejus amore colliquescat.

*NB. Non parùm promovet pietatem, si ti-
bi imagineris locum aliquem sanctum,
in quo communices, Unde jam in cœna-
culo sedebis ad mensam cum Apostolis,
jam in monte Calvaria ad pedem crucis,*

*modo eris in Antro Bethlemítico, ad
præsepe Christi nascentis, aliàs in Na-
zareth, Emmaus aut Bethania. Ibi-
dem orationes preparatorias, aliàsque
fundes.*

*Dum jam ad Sacramentum accedere pa-
res, in comitatum tuum invita B. Vir-
ginem, Angelum Tutelarem, Patronos,
Sanctòsque omnes.*

Servanda sub ipsa

COMMUNIONE.

*His, aliisque ferventibus desideriis & affe-
ctibus inflammatus, quanta potes mo-
destiâ, humilitate & reverentiâ ad men-
sam Eucharisticam accede, oculis de-
missis, manibus plicatis & erectis.*

*Sacræ mensæ assidens, manibus ad pectus
sub mappa complicatis, capite erecto &
immoto, ore quieto, linguâ ad extremum
labium honestè exsertâ, Dominicum
Corpus reverenter suscipe, salvâque
delibatum in pectus tuum, quamprimum*

myum

num potes demitte, & os sumptâ ablu-
 tione, ne qua particula Hostie palato
 adhereat, diligenter ablue, factâque
 profundâ reverentiâ ad locum redi. Va-
 rios interim fidei, spei, charitatis &
 humilitatis actus exercens, & jam cum
 S. Apostolo Thoma dicens: Dominus
 meus & Deus meus! jam ad imitatio-
 nem S. Elisabethæ; Unde hoc mihi, ut
 veniat Dominus meus ad me? jam cum
 Sponsa: Inveniquem diligit anima mea,
 tenui eum, nec dimittam.

Agenda post
COMMUNIONEM.

Ubi ad locum te receperis, totus cum uno
 Salvatore tuo tibi intimè præsentem occu-
 patus, oculis clausis vel demissis, corde
 & vehementi affectu potius, quàm lin-
 guâ in ardentia erumpe suspiria.

O Jesu sis devotissimè salutatus, altis-
 simè laudatus? nunc & semper ab om-
 ni creatura benedictus? Credo in te hic
 verè præsentem; spero in Te po-
 tentem, amo te super omnia amabilem

& amabo in æternum, gaudeo de tua
summa gloria, amplector tuum SS. be-
neplacitum.

Ecce Domine jam habeo te, qui ha-
bes omnia; possideo te, qui potes &
possides omnia: Abstrahe cor meum à
cæteris omnibus extra me, in quibus nil
nisi vanitas & afflictio spiritûs. In te u-
no fixum sit cor meum, in te sit requies
mea, ubi est Thesaurus meus, summa
veritas, & vera felicitas, & felix æter-
nitas.

Sentiat ô Domine mens mea dulce-
dinem præsentiaæ tuæ. Gustet quàm sua-
vis sis Domine, ut inescata amore tui,
nihil quærat extra te, unde gaudeat, quia
tu es gaudium cordis mei, & pars mea,
Deus in æternum.

Ecce quod concupivi, jam video, quod
speravi, jam teneo, quod desideravi,
jam habeo. Mihi adhærere tibi bonum
est, & ponere in te Domine spem me-
am. Quid enim mihi est in cœlo, & à
te quid volui super terram?

Ⓞ De-

O Deus meus & omnia ! absorbeat
 quæso mentem meam vis ignita & melli-
 flua amoris tui, ut amore tui mundo
 moriar, qui amore mei dignatus es
 in cruce mori: O Deus meus & omnia!

*Suspiria pia ad Christum Eucharisti-
 cum vel Crucifixum.*

A Nima Christi sanctificet me :
 Voluntas Christi inflammet me :
 Intellectus Christi illuminet me ;
 Memoria Christi occupet me :
 Appetitus Christi pascet me :
 Oculi Christi respiciant me ;
 Lacrymæ Christi compungant me :
 Aures Christi exaudiant me ;
 Odor Christi reficiat me :
 Lingua Christi benedicat me :
 Labia Christi osculentur me :
 Dexterâ Christi protegat me :
 Sinistra Christi amplectetur me :
 Pedes Christi dirigant me :
 Vulnera Christi sanent me :
 Cor Christi abscondat me :

Humilitas Christi confundat me :
 Obedientia Christi exaltet me :
 Mansuetudo Christi componat me :
 Paupertas Christi ditet me :
 Castitas Christi mundet me :
 Vigiliæ Christi excitent me :
 Amor Christi uniat me :
 Virtus Christi exornet me :
 Oratio Christi defendat me :
 Tristitia Christi exhilaret me :
 Pavor Christi animet me :
 Sudor Christi purificet me :
 Sanguis Christi inebriet me :
 Agonia Christi confortet me :
 Flagella Christi extimulent me :
 Spinæ Christi configant me :
 Fatigatio Christi consoletur me :
 Passio Christi satisfaciat pro me :
 Crux Christi sustentet me :
 Aqua lateris Christi lavet me :
 Mors Christi vivificet me :
 Resurrectio Christi resuscitet me :
 Ascensio Christi attrahat me :
 Gratia Christi deficiet me :
 Gloria Christi transformet me :

Ju-

Judicium Christi absolvat me:
 Visio Christi beatificet me:
 O bone Jesu exaudi me:
 Ab hoste maligno eripe me:
 Et fac me nunquam separari à te:
 In hora mortis meæ voca me:
 Et jube me venire ad te;
 Ut cum Sanctis jugiter laudem te. A-
 men, Amen, Amen.

*Si varietas delectet, & tempus fe-
 rat, in alios affectus præo.*

Adoratio.

O Jesu adorande, agnosco & profiteor
 libens, me opus esse manuum tua-
 rum; te verò supremum animæ meæ Prin-
 cipem; ideòque humillimè te velatum a-
 doro in terris, non secùs ac Cherubim
 & Seraphim te revelatum adorant in
 cælis.

Admiratio.

O Jesu admirabilis! licet summè ad-
 mirer incomprehensibilem poten-
 tiam, sapientiam & bonitatem tuam;

præ omnibus tamen te nimis quàm admirabilem reddit oculis meis tanta humilitas, & teneritudo cordis tui erga nos miseros mortales; ut Majestatem tuam infinitam in Sacramento abscondas, immensitatem quodammodo coarctes, & sublimitatem humillies, quo nobiscum amore uniaris. O verè stupenda charitas! ò humilitas profunda nimis!

Æstimatio.

O Salvator inæstimabilis! quòd Tu Divinitatem & Humanitatem tuam mihi in Sacramento communices, tanti facio; ut omnia mundi pretiosissima, comparatione illius, velut lutum despiciam. Tu enim mihi, ò Jesu! es omni melle & saccharo dulcior, omni auro pretiosior, omni honore præstantior, omnibus mundi deliciis infinitè charior: Quia in te uno perfectissimè sunt omnia.

Gratiarum actio.

Quas verò grates referam liberalitati tuæ infinitæ, ò Beneficentissime Jesu!

su!

su ! pro innumeris donis tuis, præsertim dono omnium præstantissimo, Te ipso? Utinam omnia membra mea verterentur in linguas, quibus liberalitatem tuam immensam cæterasque excellentias laudarem & prædicarem O Servator mi! quoties respiro, toties tibi gratias agere desidero, quod esurientem animam meam corpore & sanguine tuo reficias, & ad me hominem peccatorem divertas.

Oblatio.

SEd quid retribuam, tibi Domine, pro omnibus, quæ retribuisti mihi? quid habeo ego pauperculus, quod reddam Infinitati tuæ? Præbe, inquis, Fili mi, cor tuum mihi. Ah! Domine nimis id tepidum & vitiis plenum est! emunda, orna, perfice cor meum, & libentissimè totum offeram, ac cum S. Ignatio precabor: Suscipe Domine universam meam libertatem, accipe memoriam, intellectum, atque voluntatem omnem:

F s

quid-

quidquid habeo vel possideo, mihi largitus es, id tibi totum restituo, ac tuæ prorsus voluntati trado gubernandum: Amorem tui solum, cum gratia tua mihi dona, & dives sum satis, nec aliud quidquam ultrà posco.

Dilectio.

O Jesu amabilissime, propter infinitam Bonitatem & Amabilitatem tuam, amo te supra omnia, & omnium Sanctorum cordibus ardentissimè te amare desidero; Et cum S. Francisco Xaverio, ad pedes tuos prostratus ex animo dico:

O Deus ego amo te!
Nec amo te, ut salves me:

Aut quia non amantes te,
Æterno punis igne;
Tu tu, mi Jesu, Totum me
Amplexus es in cruce:
Tulisti clavos, lanceam,
Multàmque ignominiam,
Innumeros dolores,
Sudores & angores,

Ac

Ac mortem ; & hæc propter me,
 Ac pro me peccatore.
 Cur igitur non amem te,
 O Jesu amantissime !
 non ut in cælo salves me,
 Aut ne æternùm damnes me.
 Nec præmii ullius spe;
 Sed sicut tu amâsti me,
 Sic amo & amabo te,
 Solùm quia Rex meus es,
 Et solùm quia Deus es.

Petitio ad cœlestem Medicum.

O Cœlestis Samaritane ! Ecce quot pla-
 gis peccatorum faucibus, quod mor-
 bis vitiorum afflictus, jaceo. Domine,
 si vis, potes me sanare. Nam ecce lan-
 guent aures & oculi curiositatis vitio;
 sana me & averte, ne videant vanita-
 tem. Languet lingua & os gulæ & lo-
 quacitatis morbo; Ah ! pone custodiam
 ori meo, & ostium circumstantiæ labiis
 meis. Languet cor; amore proprio, &
 corpus totum peccati fomite; deprecor
 te, tolle illum à me. Languet anima fu-

perbiæ, iræ & concupiscentiæ febribus,
 illas obsecro, rore gratiæ tuæ extingue.
 Languent manus, ne laborent pro glo-
 ria tua: Languent pedes, ne ambulent
 in viis tuis, confirma me, Domine, in
 hac hora, & statue pedes meos tanquam
 cervorum, ut alacriter viam mandato-
 rum tuorum curram; donec videam fa-
 cie ad faciem, in cælo, quem nunc
 veneror in Sacramento. Amen.

Addi possunt Litanie de Nomine JESU.

Quas vide in fine.

*Licebit etiam commendare in vulnera
 Christi Parentes, Amicos, Benefacto-
 res, Infideles, Hereticos &c. juxta
 praxin pag. 31. & animas certorum de-
 functorum juxta pr. pag. 33.*

*Si festum sit indulgentiarum privilegio do-
 natum, tanti thesauri participem te red-
 des orando 5. Pater & Ave pro exal-
 tatione S. Ecclesiæ, extirpatione here-
 sum, & concordia Principum Christia-
 norum.*

Ubi

*Ubi semihoram, vel si per tempus non liceat,
saltem hora quadrantem gratiarum
actioni dederis, dic:*

R Ecedo à te paululum, mi Jesu, sed
non sinè te. At non dimittam te,
nisi benedixeris mihi, ô Benedicte in
sæcula!

Benedictio.

M Ihi indignissimæ Creaturæ suæ be-
nedicat † Deus Pater, & † Filius,
& Spiritus † Sanctus. Amen

*Domum redux è libello pio quidpiam leges;
diem communionis reliquum modestius
impendes, memor sapius tanti beneficii,
& aliquem affectum ex subjunctis seliges,
quem velut symbolum aut tesseram per
diem crebrius repetas.*

*Affectus pii die Communionis
usurpandi.*

O Sacrum convivium, in quo Christus
sumitur!

Benedictum sit sanctissimum Altaris
sacramentum.

Mane nobiscum Domine, quoniam
advesperascit.

Qui manducat meam carnem, & bibit
meum sanguinem in me manet, & ego
in eo. O quanta felicitas!

Qui manducat hunc panem, vivet in
æternum.

Vivat Jesus Eucharisticus!

Amo te, Jesu suavissime, præ omni
dulcedine & gustûs suavitate.

Amo te, Jesu castissime, supra omnes
carnis illecebras & voluptates.

Amo te, mi Jesu, præ omnibus mun-
di divitiis & honorum titulis.

ORATIONES

Pro vitæ statu eligendo.

Per diem sæpius utere hoc velut symbo-
lo: Domine quid me vis facere? præ-
cipuè in sacro, sub elevatione, vel expo-
sito Venerabili: durante deliberatione sæ-
pius sacram synaxin ad I. & Christo tibi
presenti dic: Loquere Domine quia audis
servus tuus. I. Reg. 39. ac sequentibus
indies utere precibus.

Ora-

Oratio ad Deum Patrem, ex lib.

Sap. c. 9.

DA mihi, Domine, sedium tuarum
 assistricem sapientiam; mitte illam
 de cœlis sanctis tuis, & à sede magnitu-
 dinis tuæ, ut mecum sit, & mecum la-
 bore, ut sciam quid acceptum sit apud
 te Domine Deus: sensum enim tuum quis
 sciet, nisi tu dederis Sapientiam, & mise-
 ris Spiritum Sanctum tuum de Alrissimis.

Oratio ad Spiritum S.

Veni Sancte Spiritus, reple tuorum
 corda fidelium, & tui amoris in eis
 ignem accende.

V. Emitte spiritum tuum & creabuntur,

R. Et renovabis faciem terræ.

Oremus.

Deus qui corda fidelium, sancti Spiritus
 illustratione docuisti, da nobis in eo-
 dem Spiritu recta sapere. & de ejus sem-
 per consolatione gaudere. Per Christum
 Dominum nostrum. Amen.

Oratio ad Christum.

OJesu amantissime, via vera ad vitam,
 ego

ego sum puer parvulus & ignorans egressum & introitum meum, tu verò æterna Patris Sapiencia omnia nōsti. Quare me tibi indifferentem sisto, & promptum offero, ut sequar te quocunq̄ue me vocaveris. Si me in Mundo sæcularem tibi servire vis: ecce me, tantum tribue, ne à statu hoc degenerem vitam instituam. Si me in Ordine religioso, tibi per vota arctius obstrictum desideras; ecce me, paratum cor meum; tantum trahe me & curram in odorem unguentorum tuorum; nec Dæmon, nec Caro, Mundus, nec omnia, quæ in eo sunt, à sequela tua me retardabunt. Id unum obsecro, vias tuas Domine demonstra mihi, & semitas tuas edoce me.

Oratio ad B. Virginem.

OMaria, inventrix gratiæ, & janua vitæ, ego in trivio constitutus periculorumq̄ue mihi impendentium ignarus ad maternum sinum tuum confugio, & lumen, opemq̄ue efflagito. Intercede pro

pro

pro me apud Filium tuum dilectum, ne
 statui illi implicer, in quo me æternum
 periturum prospicit, sed ad illum me vo-
 cet, in quo salutem consecuturum præ-
 videt. En ego in manu tua & filii tui,
 sicut lutum in manu figuli. ô fiam vas in
 honorem & non in contumeliam, ut se-
 quar, laudem & glorificem Filium tuum
 cum Sanctis in æternum, Amen.

*Oratio ad S. Angelum
 Custodem.*

O Angeli mi custos; me illumina, rege,
 & Deum roga, ut absque errore, il-
 lum vitæ statum amplectar, in quo san-
 ctiùs ei serviam, altiorem perfectionis
 gradum conscendere valeam, quo te-
 cum Deum clariùs videam; & ardentius
 amem, in sæcula, Amen.

*Oratio pro constantia in vo-
 catione.*

Domine Deus meus, qui viam mihi
 monstrasti in qua ambulem, da
 ut

ut voluntatem tuam quantocycus expleam, omnia impedimenta vincam, atque in statu tibi placito usque ad mortem perseverem. Tu qui dedisti cognoscere ac velle, da & perficere. Per Christum Dominum nostrum, Amen.

Si diu anceps hareas, nec resolvere te valeas, exercitiis S. P. Ignatii vacas, aut decendialem pietatem institue, praxi sequente.

P R A X I S.

Decendialis pietatis erga Christum Crucifixum & S. Franciscum Xaverium; vel, paucis mutatis, Novendialis erga S. Antonium Paduanum.

Conceptã maximã in Christum Crucifixum & S. hunc Thaumaturgum fiducia, propositum facies præstandi quadam opera pia. E multis pauca subjungo; quæ, vel saltem eorum aliqua, per manus S. Xaverii Deo offeres, verbis sequentibus.

Formula offerendi.

OMnipotens sempiterne Deus, ego N. N. licet divino conspectu tuo indigni-
 ni-lli-

nissimus, fretus tamen Pietate & misericordiâ tuâ infinitâ; propono (*nihil autem vovebis, nisi consulto Confessario*) coram Sacratissima Virgine Maria & S. Francisco Xaverio Indiarum Apostolo instituire decendialem pietatem & per decem dies Veneris cum gratiâ tuâ præstare sequentia.

Opera pia offerenda.

1. Per S. Xaverium offeram Deo Sacrum.

Animum ex homolegesi sacrâ expiatum, epulo divino reficiam.

3. Orabo 10. Pater & Ave, cum totidem Gloria Patri, &c.

4. Recitabo officium & litanias de passione Domini, vel de S. Xaverio vel de B. V. vel omnibus sanctis.

5. Legam per quadrantem vel semihoram nonnihil de Passione, vel Vita Christi, aut S. Xaverii.

6. Ad honorem Christi patientis & S. Xaverii jejunio carnem domabo.

7. Mortificabo & cavebo vitium illud, quod

quod me maximè infestat, & virtutem contrariam exercebo.

8. Dabo eleemosynam indigenti, vel aliud è septem operibus misericordiæ corporalibus præstabo.

9. Aut saltem unum è 7. operibus misericordiæ spiritualibus perficiam v. g. orando pro conversione Ethnicorum, Hæreticorum, peccatorum, vel pro Fidelibus defunctis.

Si morbus vel causa justa die Veneris me impediat, supplebo alio die.

ATua ergo immensa Bonitate & Clementia per Jesu Christi sanguinem, & S. Xaverii intercessionem peto suppliciter, ut propositum hoc benignè admittere digneris, & ut largitus es ad hoc offerendum, ità etiam ad explendum gratiam uberem largiaris.

Offero autem hæc omnia, eo fine, ut divina tua, infinitaque Liberalitas, quæ in S. Xaverio tam mirificè eluxit, mihi quoque minimo famulo tuo largiter conferre dignetur. (*Hic subjungenda, quæ petis*)

petis, v. g. castitatem, charitatem vel aliam virtutem; robur ad superanda vitia & tentationes mihi maximè periculosas (has vel illas) gratiam agnoscendi & ad mortem usque perseverandi in eo statu, in quo vis me esse, ut sic æternum salvari possim, Sanitatem integram, si ad gloriam tuam, animæq; mee salutem conducat &c.) Utque hæc obtineam, ora pro me S. Franciscæ Xaveri, una cum B.V. Maria, S. Angelo Custode meo, omnibusque in cælo regnantibus Sanctis.

Scientia ad Salutem necessaria.

Inter dogmata fidei nostræ quedam sunt scitu necessaria necessitate mediæ, quorum cognitio tanquam omnino necessarium medium requiritur ad æternam salutem, & qui eâ caret, salutem consequi nequit. Eiusmodi à nonnullis Doctoribus censentur sequentia.

Punæa

*Puncta scitu necessaria necessitate
medii.*

1. Quòd Deus unus sit omnium
Creator.
2. Quòd idem sit omnium Guber-
nator.
3. Quòd Deus sit omnium Judex.
4. Quòd anima hominis sit immor-
talis.
5. Quòd gratia Dei sit ad salutem
necessaria.
6. Quòd Deus sit trinus in Perso-
nis.
7. Quòd Filius Dei sit incarnatus &
passus.

*Alia sunt scitu necessaria necessitate præ-
cepti, quorum scientia sub peccato præ-
cepta est. Quorum tamen scientia per
invincibilem ignorantiam, aut impo-
tentiam excusari potest.*

Necessitate Præcepti.

1. Symbolum Apostolorum, seu Cre-
do. 2. Pater noster. 3. Decalogus. 4. Præ-
cepta

cepta Ecclesiæ. 5, E septem Sacramen-
tis tria, Baptismus, Pœnitentia, Eu-
charistia, reliqua cùm suscipiuntur. Ad-
dunt aliqui signum crucis, & salutationem
angelicam,

Hæc addiscere tenentur omnes, quam-
primum rationis usum attingunt, ut
saltem substantiam horum punctorum
rudi modo intelligant. Non autem suf-
ficit sola memoria instar psittacorum il-
la recitare. Parentes, Parochi, Lu-
dimagistri obligantur, ut suos ea do-
ceant: Domini, ut domesticos in illum
finem mittant ad Catechesin.

*Judicium & motiva prudentis
credibilitatis.*

Judico firmiter, omnia & singula Ca-
tholicæ Fidei Mysteria, dignissima es-
se, ut credantur firmissimo actu fidei divi-
næ, tanquam à Deo dicta, ideoque cer-
tissima, Judico etiam indubitanter, o-
mnes errores fidei Catholicæ contrarios
meritò rejiciendos esse, tanquam falsis-
simos,

simos, & Dei verbo adversantes. Ideo
verò ista sic judico, quia Ecclesia Ca-
tholica nobis illa proponit credenda
tanquam à Deo revelata, & quia ab hâc
Ecclesiâ veram fidem & religionem do-
ceri, tot notis mihi manifestatur, ut hoc
valde prudenter possim affirmare, & de
eo prudenter ambigere, vel formidare
non possim.

Hæc enim Ecclesia primò *Una* est: sive
idem omnino de omnibus fide divina
credendis, quovis loco & tempore, sinè
ulla dissensione docet, & sentit; cum
contrariæ sectæ etiam in gravissimis fi-
dei mysteriis inter se, & ipsæ secum val-
de discordes sint; ideòque tam necessa-
riò in iis errent, quàm impossibile est,
idem simul esse & non esse.

Secundò: Eadem Ecclesia *Sancta* est,
sive nullius impiæ doctrinæ convinci po-
test, sed potius sanctissima tradit dog-
mata fidei & morum, quibus qui con-
gruenter vivit, certò sanctus evadit, uti
omnibus sæculis à Christo usque in præ-
sen-

centem diem, plurimi utriusque sexus in eadem Ecclesiâ, ad veram sanctimoniam & beatitudinem pervenere; cum ejus adversarii multa doceant impia, & veræ virtuti inimica, quæ à vera sanctitate & beatitudine homines plurimum impediunt & avertunt.

Tertiò, Eadem Ecclesia *Catholica* est, per omnes quatuor mundi partes & plebasque regiones diffusa; cum aliæ sectæ paucorum locorum terminis constringantur. .

Quartò, Eadem Ecclesia *Apostolica* est, erecta ab ipsomet Christo, qui se Dei Filium, & verum Deum esse plurimis maximisque miraculis demonstravit; Propagata verò est per Apostolos & Christi Discipulos, eorumque successores, & quemadmodum legitimos habet, & habuit Christi Vicarios, & D. Petri Successores; ita semper constanter perseveravit, & perseverat in illa Fide & Doctrina, quam Christus ipse ejusque

G

Apo-

Apostoli docuere; cum nihil horum de aliis sectis verè possit affirmari.

Quintò, Pro Fidei Catholicæ Veritate fortissimè & sanctissimè mortem & tormenta plurimi sancti Martyres subière.

Sextò, Pro eadem veritate confirmandâ innumera certissimâque facta sunt miracula, quorum ne unicum quidem in confirmationem contrariarum religionum unquam est patratum. Propter hæc aliâque signa (quæ longum esset hîc recensere) judico itâ manifestum esse, quòd religionis nostræ mysteria prudenter, & honestè credi possint & debeant firmissimo fidei assensu, ut Deus ipse meritò dici posset nos decepisse, nisi vera essent ea, & à Deo dicta; quæ notæ istæ ostendunt prudentissimè credi posse tanquam à Deo ipso revelata; cum tot, tales, tantæque notæ non possint, nisi à Deo provenire, nec falsæ religioni competere. Utî enim lumine rectæ rationis demonstratur, unicum tantùm verum Deum esse, eumque sapientissimum

mun-

mundi hujus gubernatorem; nec dubitari
 potest, quin sapientissima ejus providen-
 tia, gloriæ suæ amantissima, aliquam ha-
 beat Ecclesiam, quæ de Deo rebûsque
 divinis rectè sentiat & legitimum divinæ
 Majestati cultum deferat; ità non nisi
 stolidè negari potest, veram istam Dei
 Ecclesiam illam esse, in qua sola, illa,
 quæ indicavi signa multòque plura re-
 riuntur: Cùm simile nihil in sectis nostræ
 contrariis inveniatur. Certè à sapien-
 tissimâ Dei providentiâ alienum est per-
 mittere, nedum ordinare, ut falsa religio
 pro se habeat, vera Dei Ecclesia careat,
 tot talibûsque signis, quæ dogmata no-
 stræ fidei reddunt prudentissimè credi-
 bilia, cùm aliàs ad veram religionem
 prudenter pervenire non possemus. Ju-
 dico denique me rem optimam & Deo
 pergratam, facturum, si actus fidei divi-
 næ circa primaria fidei nostræ capita di-
 ligenter exerceam; uti & voluntate de-
 vota exerceo.

*Subjunge actus Fidei, Spei, Charitatis,
Contritionis, quos habes p. 87. & seq.*

PACTUM CUM DEO,

Artificium ingentis meriti.

OMnipotens aeternae Deus, Dominus
ac Creator meus, ego vilissima crea-
tura tua, amore & desiderio te continuo
amandi, & absque ulla cessatione lau-
dandi; impulsus, cum mentem meam
humanæ vitæ conditio tuis laudibus in-
desinenter affixam esse non sinat, hoc
tecum pactum inire cupio.

Quoties spiritum duxero, aut sanguis
in vena motus fuerit, quot literas & ver-
ba scripsero aut protulerò, quoties mem-
brum quodcunque movero, nunc pro
tunc declaro, toties me facere & exer-
cere velle, omni meliore, quo fieri po-
test, modo, actus hosce sequentes, licet
forte tunc ad hoc mentem minus ad-
verterem.

Toties, inquam, adoro te summâ, qua
fieri potest, demissione; gaudeo & gra-
tularor tibi ex animo ob infinitas perfe-
ctio-

fectiones tuas; gaudeo propter opera bo-
 na, quæ unquam honori tuo ab ulla Cre-
 tura facta sunt; fièntque deinceps, quæ
 vellem omnia ego ipse præstitisse. To-
 ties intensissimo ego omnium Sanctorum
 & Angelorum affectu ex toto corde amo
 super omnia bonitatem tuam, & ex hoc
 amore summè doleo de peccatis meis
 omnibus totius vitæ; spero ex infinita
 tua misericordia per Christi merita eo-
 rum veniam: propono cum gratia tua
 mori potius, quàm te post hac offendere.
 Doleo pariter ob tot peccata ab initio
 mundi hucusque à quocunque hominum
 commissa. Toties in manus tuas com-
 mendo me, & mea omnia; præsertim
 finem vitæ meæ, ut disponas de me, pro
 ut visum fuerit divinæ voluntati tuæ, cui
 me totum in omnibus plenè conformo.
 Toties in unione omnium meritorum
 Christi, & B. Virginis Mariæ, & om-
 nium Sanctorum offero divinæ Majesta-
 ti tuæ omnia mea verba, cogitationes
 & opera, ut ea cedant unicè ad sanctis-
 simi

tis,
 seq.

nus
 ea-
 nuò
 au-
 am
 in-
 hoc

quis
 ver-
 em-
 pro
 ker-
 po-
 icèt
 ad-

qua
 gra-
 rfe-
 tio-

fimi nominis tui gloriam & exaltationem. Toties offero tibi passionem Domini nostri Jesu Christi, & merita B. Virginis, & omnium Sanctorum, nec non omnia missæ sacrificia, quæ hæcenus peracta sunt, & usque ad consummationem sæculi peragentur, in gratiarum actionem pro beneficiis corporis & animæ, à te mihi præstis, pro omnibus peccatis meis, ad impetrandam gratiam & gloriam æternam. Hæc omnia toties rata gratâ & iterata volo, quoties possibile est id ipsum iterari, aut multiplicari; atque hoc purè ob amorem tui, omnèsque bonos & S. fines, quos habuit Christus Dominus; B. V. omnes Sancti, aut qui ab ullo haberi possunt. Tu, mi Deus, gratum habe hoc meæ servitutis obsequium & sinceri amoris testimonium.

Vim & valorem hujus actus à contrario colligere licet: Si quis enim statueret secum: se toties velle, Deo maledici, eum blasphemari &c. se ratum habere quidquid in

roto, mundo fieret mali, optaretque se e-
jus esse participem; quantà is sese culpà
obstringeret? Hoc itaque si in malo tam
efficax est, quidni idem bono applicatum
immensa virtutis & meriti erit?

Testamentum hominis Christiani.

In nomine Domini. Amen.

EGO N. Animam meam reddo Crea-
tori & Redemptori meo, Corpus
terræ, unde prodiit restituo, lubensque
& volens exuo me omnibus temporali-
bus, quæ sunt *Vanitas Vanitatum*. Doleo
de peccatis meis omnibus, maximè istis
N. N. eaque detestor, ideo solùm, quia
Deum meum, quem amo super omnia,
illis ipsis offendi. Offensas omnes om-
nibus amore Dei remitto, petoque vi-
cissim id mihi ab omnibus fieri. Credo
in te, ô suprema Veritas. Spero in te,
ô aterna Felicitas. Gratiastibi ago O cle-
mentissima benignitas. Et Revereor te,
ô tremenda Majestas. Amo te ô incom-
prehensa Bonitas. Subjicio me penitus
& perfectè omni illi, quidquid de me

sanctissima voluntas Dei disposuerit. Fias
 voluntas tua in me, à me, & de me nunc, &
 in æternum. Commendo corpus & ani-
 mam meam patrocinio Gloriosissimæ
 Virginis Mariæ, Matris & Patronæ meæ
 dilectissimæ; S. Josephi, S. Angeli mei
 Custodis, Patronorum & omnium San-
 ctorum, quos demissimè obtestor, ut
 mihi adesse velint nunc, & in hora mor-
 tis meæ. Ultima mea verba erunt Jesus,
 Maria, Joseph: In horum amplexu vive-
 re & mori volo: & si sancta hæc nomi-
 na tum lingua non posset eloqui, elo-
 quetur illa cor meum; & si usu rationis
 in hora mortis destituar, jam protestor,
 jam enuntio pro tunc, omni possibili ar-
 dore, reverentiâ, & submissione Jesus,
 Maria, Joseph. Deus meus in manus
 tuas commendo spiritum meum.

LITANIÆ

de Nomine Jesu.

K Yrie eleison, Christe eleison,
 Kyrie eleison.
 Christe audi nos.
 Christe exaudi nos.

Pa-

Pater de cœlis Deus,
 Fili redemptor mundi Deus,
 Spritus Sancte Deus,
 Sancta Trinitas unus Deus,
 Jesu Fili Dei vivi,
 Jesu potentissime,
 Jesu fortissime,
 Jesu perfectissime,
 Jesu gloriosissime,
 Jesu mirifice,
 Jesu jucundissime,
 Jesu charissime,
 Jesu clarior Sole,
 Jesu pulchrior Lunâ,
 Jesu splendidior stellis,
 Jesu admirabilis,
 Jesu delectabilis,
 Jesu honorabilis,
 Jesu humillime,
 Jesu pauperrime,
 Jesu mitissime,
 Jesu patientissime,
 Jesu obedientissime,
 Jesu castissime,

Miserere nobis.

G s

Jesu

Iesu amator castitatis,
 Iesu amator pacis,
 Iesu amor noster,
 Iesu speculum vitæ,
 Iesu exemplar virtutum,
 Iesu Decus morum,
 Iesu zelator animarum,
 Iesu refugium nostrum,
 Iesu Pater pauperum,
 Iesu consolatio afflictorum,
 Iesu thesaurus fidelium,
 Iesu gemma pretiosa,
 Iesu armarium perfectionis,
 Iesu bone pastor ovium,
 Iesu stella maris,
 Iesu lux vera,
 Iesu sapientia æterna,
 Iesu bonitas infinita,
 Iesu gaudium Angelorum,
 Iesu Rex Patriarcharum,
 Iesu inspirator Prophetarum,
 Iesu magister Apostolorum,
 Iesu Doctor Evangelistarum,

Miserere nobis.

Iesu

Iesu fortitudo Mârtyrum,
 Iesu lumen Confessorum,
 Iesu sponse Virginum,
 Iesu corona Sanctorum omnium,
 Propitius esto, parce nobis Iesu.
 Propitius esto, exaudi nobis Iesu.
 Ab omni malo, libera nos Iesu.
 Ab omni peccato, libera nos Iesu.
 Ab ira tua, libera nos Iesu.
 Ab insidiis Diaboli libera nos Iesu.
 A peste, fame, & bello, libera nos Iesu.
 A transgressione mandatorum tuorû,
 Ab incurſu omnium malorum,
 Per Incarnationem tuam,
 Per adventum tuum,
 Per Nativitatem tuam,
 Per Circumcisionem tuam;
 Per dolores tuos,
 Per flagella tua,
 Per Mortem tuam,
 per Resurrectionem tuam,
 Per Ascensionem tuam,
 Per gaudia tua,
 Per gloriam tuam.

Mil. nob.

Libera nos Iesu.

Miserere nobis.

Iesu

Per dulcissimam Virginem Matrem
tuam, Libera nos Iesu.

Per intercessionem omnium Sanctorum
tuorum, Libera nos Iesu.

Agnus Dei, qui tollis peccata mundi,
Parce nobis Iesu.

Agnus Dei, qui tollis peccata mundi,
Exaudi nos Iesu.

Agnus Dei, qui tollis peccata mundi,
Miserere nobis Iesu.

Iesu Christe, audi nos. Iesu Christe, exaudi
Kyrie eleison. Christe eleison. (nos,
Kyrie eleison. Pater noster, &c.

℣. Et ne nos inducas in tentationem.

℞. Sed libera nos à malo.

℣. Domine exaudi orationem meam.

℞. Et clamor meus ad te veniat.

Oremus.

DEus, qui gloriosissimum nomen Domini
nostri Iesu Christi unigeniti Filii tui fecisti
fidelibus tuis summo suavitatis affectu amabile,
& malignis spiritibus tremendum atque terri-
bile: concede propitius, ut omnes qui hoc No-
men Iesu devotè venerantur in terris, sanctæ
consolationis dulcedinem in præsentem Perce-
pant, & in futuro gaudium exultationis & in-
terminabilis jubilationis obtineant. Per eun-
dem Dominum nostrum Iesum Christum, &c.

P R A X I S.

Respondendi ad aram facienti.

S *Accordos*, Introibo ad altare Dei.
S *Minister*, Ad Deum, qui lætificat ju-
 ventutem meam.

S. Judica me Deus, & discerne causam
 meam de gente non Sancta, ab ho-
 mine iniquo & doloso erue me.

M. Quia tu es Deus fortitudo mea?
 quare me repulisti & quare tristis in-
 cedo, dum affligit me inimicus.

S. Emitte lucem tuam, & veritatem
 tuam: ipsa me deduxerunt, & ad-
 duxerunt in montem Sanctum tuum,
 & in tabernacula tua.

M. Et introibo ad altare Dei, ad Deum,
 qui lætificat Juventutem meam.

S. Confiteor tibi in cithara Deus, Deus
 meus: quare tristis es anima mea, &
 quare conturbas me?

M. Spero in Deo, quoniam adhuc
 adhuc confitebor illi: salutare vultus
 mei, & Deus meus.

S. Gloria Patri, & Filio, & Spiritui
sancto.

M. Sicut erat in principio, & nunc, &
semper, & in sæculâ sæculorum, Am.

S. Introibo ad altare Dei.

M. Ad Deum, qui lætificat Juventutem
meam.

S. Adjutorium nostrum in nomine Do-
mini.

Signant se quoque Ministri.

M. Qui fecit cœlum & terram.

S. Confiteor Deo, &c.

Dominum Deum nostrum.

M. Misereatur tui omnipotens Deus,
& dimissis peccatis tuis perducatur te
ad vitam æternam.

S. Amen.

De misso non nihil capite.

M. Confiteor Deo omnipotenti, Beatæ
Mariæ semper Virgini, Beato Mi-
chaëli Archangelo, Beato Ioanni Bap-
tistæ, sanctis Apostolis Petro & Pau-
lo, omnibus sanctis, & tibi Pater:
quia peccavi nimis Cogitatione, ver-
bo

bo & opere: mea culpa, mea culpa,
mea maxima culpa. Ideo precor bea-
tam Mariam semper Virginem, Bea-
ram Michaëlem Archangelum, Bea-
tum Ioannem Baptistam, Sanctos A-
postolos Petrum & Paulum, omnes
Sanctos, & te Pater: orare pro me
ad Dominum Deum nostrum.

S. Misereatur vestri, &c.

vitam æternam.

M. Amen.

S. Indulgentiam, absolutionem. & re-
missionem peccatorum nostrorum
tribuat nobis omnipotens & miseri-
cors Dominus.

Signant se quoque servientes.

M: Amen.

S. Deus tu conversus vivificabis nos.

M. Et plebs tua lætabitur in te.

S. Ostende nobis Domine misericor-
diam tuam.

M. Et salutare tuum da nobis.

S. Domine exaudi orationem meam.

M. Et clamor meus ad te veniat.

S. Do-

S. Dominus vo vobiscum.

M. Et cum spiritu tuo.

S. Kyrie eleison.

M. Kyrie eleison.

S. Kyrie eleison.

M. Christe eleison.

S. Christe eleison.

M. Christe eleison.

S. Kyrie eleison.

M. Kyrie eleison.

S. Dominus vobiscum.

M. Et cum spiritu tuo.

Si dicat.

S. Hæcramus genus.

M. Levate.

S. Per omnia sæcula sæculorum.

M. Amen.

In fine Epistola.

M. Deo gratias.

S. Dominus vobiscum.

M. Et cum spiritu tuo.

S. Sequentia S. Evangelii. &c.

M. Gloria tibi Domine.

In fine Evangelii.

M. Laus tibi Christe.

S. Dominus vobiscum.

M. Et cum spiritu tuo,

S. Orate Fratres.

M. Suscipiat Dominus Sacrificium
de manibus tuis, ad laudem, & glo-
riam nominis sui, ad utilitatem quo-
que nostram, totiusq; Ecclesiæ suæ
Sanctæ.

S. Per omnia sæcula sæculorum.

M. Amen.

S. Dominus vobiscum.

M. Et cum spiritu tuo.

Si Sursum corda.

M. Habemus ad Dominum,

S. Gratias agamus Domino Deo nostro.

M. Dignum & justum est.

S. Per omnia sæcula sæculorum,

M. Amen.

S. Et ne nos inducas in tentationem.

M. Sed libera nos à malo.

S. Per omnia sæcula sæculorum,

M. Amen.

S.

S. Pax Domini sit semper vobiscum.

M. Et cum spiritu tuo.

S. Dominus vobiscum.

M. Et cum spiritu tuo.

S. Per omnia saecula saeculorum.

M. Amen.

S. Dominus vobiscum.

M. Et cum spiritu tuo.

S. Ite, Missa est.

M. Deo gratias.

In Sacro pro defunctis.

S. Requiescat in pace.

M. Amen.

S. Benedicat vos omnipotens & misericors Deus Pater, & Filius, & Spiritus sanctus.

M. Amen.

S. Dominus vobiscum.

M. Et cum spiritu tuo.

S. Initium, vel sequentia sancti Sancti Evangelii secundum

M. Gloria tibi Domine.

In fine Evangelii.

M. Deo gratias.

IN-

I N D E X,

- Praxis piè surgendi. pag. 3.
 Praxis formandi piam intentionem II.
 Orandi ante & post studia 21.
 Orandi ad trinum pulsam 24.
 De Sacrificio Missæ 25.
 Praxis audiendi Missam 26.
 Communions Spiritualis 34.
 Orandi Rosarium 37.
 Officium Immaculatæ Conceptionis
 B. V. 39.
 Variæ Orationes ad Sanctos 51.
 Orationes pro defunctis 57.
 Praxis piè prandendi 62.
 Instituendi preces vespertinas 64.
 Litaniam Lauretanam B. V. 65.
 Examen conscientiam, pag. 69.
 Praxis præparandi sed ad confessio-
 nem 78.
 Actus virtutum 87.
 Praxis Confessionis. 99.
 Methodus extirpandi vitia 102.
 Praxis piè communicandi 109.

Orá-

Orationes pro eligendo vitæ statu 134.

Praxis decendialis pietatis &c. 138.

Scientia ad salutem necessaria 141.


Pactum cum Deo. 148.


Testamentum hominis Christiani. 151.

Litaniæ de SS. Nomine JESU. 152.

Praxis respondendi Sacerdoti ad A-
ram. 157.










Oratio

Benedictum sit
dulce nomen Do-
nostri Jesu Christo
et gloriosissimum
Virginis Mariae
Matris eius. Amen
Nos cum prole
pria benedicat
Virgo Maria
Amen



51
D
is
m
id
m
le
+



The image shows the spine of an antique book, bound in dark brown leather with intricate blind-tooled patterns. The spine is divided into several sections by raised bands. A small, rectangular paper label is affixed to the lower portion of the spine, featuring handwritten text in black ink. The text on the label is arranged in two lines: the first line contains the letters 'Th' and the second line contains the number '2739'. The book is set against a dark, solid background.

Th
2739